

錢塘縣知縣南樂魏嶸纂

壇壝

自古郊以祀天神社以祀地示郡邑之壇壝昉此矣但社稷山川從乎地風雲雷雨從乎天而其間為壇者二陰陽總一氣也何分乎厲壇以祀無祀鬼神里社鄉厲則又令民得師春祈秋報之意各展其誠以求年歲之順成民物之康阜嗚呼何其法制之詳而化民成俗之厚也錢塘之祀率先他邑可不敬與志

錢塘縣誌

卷之十三

壇壝上

一

壇壝

社稷壇

在錢塘門外西北即宋太乙宮故址南渡初置壇嘉會門外後徙城西昭慶寺側元廢宋舊壇更立別址後又徙西南郊錢湖門外明洪武六年行省參政徐本李質都指揮使徐司馬知府王德宣建于今處十一年知府劉勝拓地重建國朝因之歲春秋仲月上戊日致祭錢塘與仁邑附郭從祭于府不別為壇故神號府社之神府稷之神非若他縣則稱縣社縣稷也壇制禮儀具詳郡志二祭牲品俱仁

和管辦錢塘一體行禮

風雲雷雨山川壇

在鳳山門外西南包家山明洪武元年詔郡縣設壇知府王與福建國

朝因之壇位列風雲雷雨之神杭州府境內山川之神城隍之神或以春秋二仲上旬擇日合祭今率用祭社稷次日錢塘附郭從祭于府不別為壇壇制禮儀具詳郡志牲品錢塘管辦

厲壇

在錢塘門外霍山坊內明洪武三年六月詔天下郡邑鄉隅各設厲壇祀無祀鬼神歲以春清明日

秋七月十五日冬十月一日奉城隍神于壇主祭錢塘附郭從祭于府不別為壇壇制禮儀具詳郡志祭

品清明十月朔仁和管辦中元錢塘管辦

里社壇

明洪武初定制凡縣屬鄉村每里百戶內立壇一所祀五土五穀之神專祈雨暘時若五穀豐

登歲輪一人為首常川潔淨壇場遇春秋二社日聚里戶致祭用羊一豕一酒果隨俗祝文其詞曰維某年歲次月日朔甲子某縣某都某里某等謹祭于五土之神五稷之神惟神參贊造化發育萬物凡我庶民悉賴生植時惟春東作方興秋歲事有成謹具牲醴恭伸春祈告秋報祭伏願雨暘時若五穀豐登官賦足供民食充裕神其鑒之尚饗祭畢先令一人讀抑強扶弱之誓其詞曰凡我同里之人各守禮法毋恃強凌弱違者眾先罰之然後經官或貧不自贍眾用給其家三年不立不使與會其婚姻喪葬有乏隨

錢塘縣誌

卷之十三

壇壝上

二

力相助如不從眾及犯姦盜詐偽一切非為並不許入會讀畢長幼以次就坐會飲盡歡而退務在恭敬神明和睦鄉里以厚風俗今壇所已毀民間多就家會祭其文鮮有讀者

鄉厲壇

明初于每里百戶內立壇一所祀無祀鬼神專祈民庶安康孳畜蕃盛歲三祭清明中元十月

朔祭物牲酒隨俗其會飲讀誓等儀與里社同今各鄉罕有行之者舊壇久皆圯毀或于祀里社後隨具羹飯致祭是亦猶行古之道也

祠廟

先王之制為祀典也不一大抵作忠教孝捍災禦患

之人沒而為神則祀之所以崇有德報有功也錢塘

以地則大以名則古以事則繁故其間祠廟較他邑

特多昔狄梁公嘗奏毀淫祠吳越凡三千七百有奇
意錢塘之毀者多矣今之所祀豈尚有存焉者乎非
也自伍公而下其間作忠教孝禦災捍患者姓名爵
里一一可攷所謂沒而可祭于社者非斯人而誰志
中所載考核謹嚴亦寓梁公之意於筆墨間牲脔俎
豆享祀不忒皆神不吐而人不諂者也志祠廟

先師廟

詳見學校

城隍廟

在城內吳山之巔金地山上俗稱城隍山宋以
前在鳳凰山紹興九年徙今處歷朝因之宋賜
廟額曰永固初封保順通惠侯咸淳間加號曰輔正
康濟明德廣勝王明洪武元年詔天下各省府州縣

錢塘縣誌

卷之十三

廟上

三

城隍止稱本號曰城隍之神氏名莫考永樂中始勅
封故浙江按察使周新為城隍之神事具本傳成化
十年後寢火十一年布政司甯良重建弘治十六年
鎮守太監麥秀巡按御史夏景和拓新重建知府楊
孟瑛為記萬曆四十五年山麓英濟廟火延及廟燬
邑人金中丞學會首請于制府劉一焜暨藩臬各當
事倡捐重建郡守姚芝蘭督成郵使張大猷為記
國朝康熙六年水師王虎倡捐重修并易殿柱為石
三十一一年按察使孟上重建磚牌坊并新右司齋廳
秀水尚書杜臻有記三十八年翰林學士揆叙感神
示異捐金重修廟制山麓為牌坊歷坡而登前為廟
門進為儀門門內甬道而上為月臺中為神殿東西
為齋宿所錢塘與仁邑附府不別為廟凡吏于上者
始至必先詣廟齋戒越宿誓神復任及雨暘疾疫祈
禱者皆祇候于此祭品牲帛錢塘仁和分辦按神本
傳周新字志新廣東南海人初名日新文帝嘗獨呼
新遂為名以洪武己卯科舉人授大理評事永樂初
拜監察御史彈劾不避貴戚人憚之稱為冷面寒鐵

至呼其名以怖小兒擢雲南按察使尋改浙江初行
部至界有蠅蚋聚馬首尾之榛中得一暴尸身惟一
鑰一小木鐸記新曰布賈也收取之還乃令人廣市
布得與鐸記同者鞠之果劫布賊一日視篆忽旋風
吹異葉至吏言城中無此木獨一僧寺有之去城稍
遠新悟曰此必寺僧有姦利事命駕即往于樹下掘
之果得一婦人尸有一人久商于外持重資歸未抵
家而日暮恐為人所圖潛以其資置一祠石下至家
妻問之告以故明日求之無有也往訴之新新曰是
必而妻有外遇也逮至果然遂歸語妻時私者竊聽
先往取之也其發奸摘伏類此始乘傳將至浙屏去
騶從以微服行屬縣觸縣吏怒收繫獄中與囚語盡
知一縣利弊明日迂者至乃自獄出縣吏驚愕匍伏
請死錢唐令葉宗行素號廉能浙私入其居偵之他
無所有惟笠澤魚腊一束其家所寄者也袖少許出
明日召葉飲出腊示之葉益砥礪他令皆相戒莫敢
為貪僚友一日餽鷓炙懸于室後復有遺者指示之
新貴至三品妻猶荆布與同官內子宴盛飾往者見

錢塘縣誌

卷之十三

廟上

四

之輒慙更為澹素嘗斥西湖以備旱潦凡侵佔于豪
右大家者奪還勢家交怨廉聲震天下錦衣指揮紀
綱者怙寵用事使千戶往浙訪緝作威索賂新捕之
千戶遁入京訴綱綱奏新專擅上命逮至陛前新抗
言曰在內都察院在外按察使朝廷法官也臣奉法
捕惡奈何罪臣上怒命殺之臨刑大呼曰生為直臣
死為直鬼吾無憾矣未幾綱以罪誅上尋悟其枉嘆
曰嶺外乃有此人屈殺之矣他日見若有人被朱袍
立庭中上問為誰對曰臣周新也上帝以臣剛直命
臣為浙江城隍為陛下治奸臣貪吏言訖不見上即
以此封之新姿幹高偉好學能文所至貧民冤繫皆
喜奸徒滑吏則戰魄落膽又稱生閻羅云今杭人率
以五月十七日祠城隍 明楊孟瑛重建廟記 畧曰杭
南大都會帶江襟海安富阜蕃生聚百萬早作夜息
關柝不驚奚所庇憑惟城惟隍然則餘節稅嚴時蠶
非所宜然乎弘治癸亥春雨暘不時苗及田穀鎮守
太監麥公巡按御史夏公率屬吏持辦香謁城隍告

焉仰見棟危門圯慨然興嘆謂茲民主怠倚勿恭劬以邀福明神乃出贖金命孟英經度其事閱月功告成煥啟宏規一新舊貫神宇靜穆神道逶迤兩階覆庶幢節有所儼乎民之望遂乎神之藏曠乎有以旅豆登而序綏裳也二公建茲茂績宜有述作以告後人命瑛紀其事竊惟積土為城壁立而垣繚居者屏倚積水為隍波回而川涯居者塹依冥漠之中誰其有國者所秩祀也廟之崇非侈也宜也廟貌肅衣冠錦衣片紙寬何極碧血千秋冷未乾古栢陰森遮紺殿蒼苔斑駁過雕闌鴟夷秋美銀濤色長映先生鐵面寒

旗纛廟

在太平里普濟橋織造府西明洪武三年建千都司解後八年都指揮使徐司馬徒建今處歲以霜降日祀軍牙六纛之神先期一日出旗幟迎之謂之揚威俗稱迎旗至日都司衛所守禦官祭之

錢塘縣誌

卷之十三

廟上

五

忠清廟

俗名伍公廟在吳山之椒鎮海樓左祀吳行人伍員字子胥諫王不聽賜之屬鏹以死浮屍江中吳人憐之立祠江上命曰胥山廟見漢史記又吳都賦號曰靈胥梁簡文帝有伍員廟詩唐封廣惠侯元和十年盧元輔有胥山廟銘昭宗乾寧元年錢鏐作羅城江濤勢激版築不就禱于胥山祠沙漲十餘里坊成請封惠應侯四年又請封為吳安王宋賜廟額曰忠清大中祥符五年海潮衝擊州城詔本州歲春秋致祭康定九年守蔣堂重建王安石為記紹興三年改封忠壯侯嘉熙三年海潮大溢京兆趙與權禱于神而息建英衛閣與權自為記七年長興沈公作藩于杭重修廟宇王安國為記自嘉熙至咸淳間累封忠武英烈顯聖廟安王元大德三年加封順祐忠孝威惠顯聖王至正末廟燬明洪武初重建七年詔入祀典歲以九月二十日公死之日致祭祭用剛鬣府長官主之僚屬皆陪祭正統十四年重修歲久廟圯萬曆八年重建崇禎十六年重修吳農祥有碑記國朝康熙二十六年裔孫涵芬登省試第一

建唐盧元輔胥山廟銘見山宋王安石記予觀子胥

竄之中以客寄之身卒以說吳折不測之楚仇報恥

雪名震天下豈不壯哉及其危疑之際自能慷慨不

顧萬死畢諫于所事此其志與夫自恕以偷一時之

利者異也孔子論古之士大夫若管夷吾臧武仲之

屬苟志于善而有補于當世者咸不廢也然則子胥

之義又曷可少耶康定二年余過所謂胥山者周行

廟庭嘆吳亡于有餘年事之興壞廢革者不可勝數

獨子胥之祠不徙不絕何其盛也蓋亦子胥之節有

以動後世而遺愛猶在吳也後九年樂安蔣公為杭

使其州人力而新之臨川王安石與之銘曰烈烈子

胥發蹟窮逋遂為冊臣奮不圖軀諫合謀行隆隆之

吳厥廢不遂邑都俄墟以智死昏忠則有餘胥山之

巔殿屋渠渠千載之祠如祠之初孰作新之民歡

而趨維忠肆懷維孝肆孚我銘祠庭示後不誣王

安國記胥山廟者吳人奉事已千百餘年至于今天

子命祀而使之歲時祈祝未嘗懈也嘉熙七

錢塘縣誌

卷之十三

廟上

六

年長與沈公作藩于杭政以大成下畏以愛既而雨

場或愆躬禱于廟歲仍大熟于是邦人皆以為神之

賜也乃相與告于公曰願治廟堂以妥神靈公既樂

詔教之施能媚于民而又嘉民之不忘神惠而思為

報也故聽之八年六月廟成公遂祭享耆稚嗟嘆咸

願刻石以詩題之而使人來請辭于臨川王安國乃

作辭曰維此句吳秦伯肇居其後綿綿享有邑都闔

閭夫差力欲圖伯有臣子胥才實剛者報楚入郢遂

棲越君使國為雄我志獲伸彼何宰嚭冒貨奸宄我
憤于忠國亦隨毀武林之墟胥山之崗立廟以祀民
思不忘既歷年久報事不解以迄于今常遣祈拜公
作那伯實治廟民每祝必誠獲應于神卒是逾歲風
雨順節謂非神休有或落孽人乃告公廟堂將傾願
易而新不戒遽成嚴嚴之堂有翼其廡憑依之威觀
者俯僂眾曰訖事公即大祭賓贊肅虔鼓簫喧沸豕
羊具肥桂酒香醇神願享之醉飽欣欣眾願其石刻
載厥美繫之名吳農祥重修廟記余惟朝廷祀典捍
詩庸告無止

教忠興孝當楚平淫亂之日值晉弱無伯之時葉元子以快私心屠忠臣而信讒舌公脫身斧鉞投骨網羅渡河幾并命于漁人發箆且沉尸于弱女已而見知英主錄用羈臣二師尚緩于濟江三戰遂期于入郢銷再世不平之恨報千秋難忍之仇干戈處妖豔之宮鞭笞撻淫昏之墓匹夫之願足矣報主之志決焉由是地非唇齒之依邦有腹心之疾輸將不已還逐利于江湖征伐相尋况屢經于風雨橋李之沈寃未復夫椒之敵愾有名自嗣君惑羣豕之言致下國伏短狐之媚呼名報越庶幾其志獲伸強諫蒙吳不幸有言而中然則公之誓死已籌于舍舟夾漢之時而吳之將亡預決于取履卒涇之日歟或議以為親則父子固遵不共之文而義乃君臣或別受誅之議乃鞭尸之慘近今古所未聞踐腹之言雖尋常亦不可如王僧辨無委質於陳之誼故燃灰允合于人心若蔓成然有恃德于蔡之貪然推刃尚怵乎天命伍歸芊氏既樹四世之勲員覆平王又在十年之役蓋同亡而抱遺亂耕野猶同白公豈問罪以告先人滅

錢塘縣誌

卷之十三

廟上

七

族反遺無極考諸記之牴牾太甚抑良史之牽引更多不知尚稱仁智原因雪耻之奇奢識見禽預著苦兵之識壞門及戶原屏之祖夢請帝之悲執矢操弓杜伯之魂奮射王之怨而况危驚解劍乞甚吹篪巢深傾那之嗟家切寢皮之酷將有大志進鱗諸而潛逢窟室之機何意倒行報包胥而各信秦庭之誓彼男子之鬚眉有在且父兄之營魄長依痛極則不顧死亡毒張則寧論成敗而欲律以尊親之舊繩其來往之常賢者則力主平反愚夫則理分責備非無當也豈不過乎至于奸人君側勢絀成功忌口王前事踈報德公之及時而奏績也雅同孫武相信之師公之見侮而終凶也因用州犁不才之子假如楚疆底定即先陳囊瓦之非亦知越境倉皇當直指允常之罪太宰管司樞軸寧容參蠶尾而借謀行人職繫戎車何可向龍鱗而乞命繫首之謨失矣噬臍之悔忽諸夫量才固有所長握算又多難定肆肆多方而弄勅寇于股掌此才之有所長者也啟寵納侮而召痼病于膏肓此算之多難定者也同是驚翔之勢不爭

夫此信而彼疑各爲失水之魚又詎知前明而後暗
在子餘宜篤同舟之誼於夫差應憐築室之艱惟少
主勝而驟驕故僉人諂而求合驕則思直言以弼已
如醫瘕狗而難全合則倚夙憤以排賢譬浴嬰兒而
罔顧所以溺人必笑終思史墨而與慚而死者有知
反復子胥而掩涕也或又謂亮而后入宜思明哲之
保身成而不居當效賢豪之事主感平生于烏喙卽
攜妻子以長辭矧惑溺于蛾眉胡維賢奸而不去忍
行屬鏐之賜雖定爲有道深呵坐待鴟夷之投不無
貽知幾所惜處歲窮于稻蟹慨秋興于蓴鱸君獲嘉
名應繼志過旌賢之舉臣行微意永銷恃才傲物之
疑嗟夫是猶未達公之心也又安能察昔之事耶昔
樊將軍動荆卿之片語遂期刎頸以報秦皇嚴仲子
知聶政而下交寧忍屠腸以傾韓相信陵滅如姬之
怨往則功成卸憚遮量氏之仇見而氣絕彼亡國俘
囚下里屠沽女子奚解春秋病夫僅支旦夕而披肝
瀝膽恐奄忽以負厚恩切齒亡心懼浮沉以酬往事
爾乃憤逾填海愚比移山而能掃千里之師爭一旦

錢塘縣志

卷之十三

廟上

八

之命臣之怨已畢而家國目前之讐恥未償下之志
獲申而君王身後之子孫安託是以神崖峭拔下激
山河氣岸峯橫上排闖闔入江不化髣髴覩其光芒
大海歸神咫尺畏其音兆手持玉斗足沸銀濤老臣
無狀對舊主而含悲童子何知異明君之或悟此非
公已扶之目不瞑夜臺未死之心長懸宇宙者哉武
陵境原吳地峯隸胥山仰俎豆而拂神鴉望江山而
瞻鬼馬翠微五里風一夕而九迴碧落千尋潮兩來
而三浙驅馳赤豹隱現朱鯨喜茲棖桷之如新肅爾
衣冠之在望崢嶸毅魄寧有讓于百神正直英姿尙
徇德夫

梁簡文帝詩

去國資孝本循忠全令名舟裏

萬姓

多奇計蘆中復吐誠偃月交吳

艦魚麗入楚管光功推妙算千載藉餘聲洪濤猶鼓
怒靈廟尙淒清行潦承椒奠按歌雜鳳笙無勞晉后
璧詎用楚臣纓密樹臨寒水踈扉望遠城窳寮
野霧入衣帳積苔生惟有三青鳥斂翅時逢迎
宋王
禹偁詩 朝驅下越阪夕照當吳門停卓訪古蹟靄靄
林烟昏青山海上來勢若游龍奔星臨斗牛

域氣與東南吞九折排怒濤 哉天地根落日見海

色長風卷浮雲山椒戴遺祠興廢今猶存殘香弔木

客倒樹哀清猿我來久沉抱重此英烈魂嗟呼鏤屬

鋒冥爾國士冤峩峩姑蘓臺榛棘曉露繁深宮麋鹿

遊此事誰能論因之明瞿佑詩 一過叢祠淚滿襟英

毛髮豎落葉秋紛紛 故國方嘗膽臺上佳人正捧心入郢共知仇已報沼

吳誰識恨尤深素車白馬今何在不及陶朱像鑄金

高啟詩 地老天荒霸業空曾于青史嘆遺功鞭屍楚

浪劍埋冤血起腥風我來無 方行詩 吳越中分兩岸

限傷心事盡在胥山烟雨中 奔雷于胥不作忠臣死勾踐終非霸主材歲月消磨

人自老江山壯觀我重來鴟夷鐵箭今安在日斷洪

波萬 吳博詩 賜谷雙螭舞長江萬馬來君臣終古痛

里回 胥山有祠廟 父老至今哀碧血慚鋒鏑丹心盡劫灰

遺恨一登臺 傅巖詩 入城山勢海天雄高出樓臺俯

大東日色曉平螺髻外人家春

錢塘縣誌

卷之十三

廟上

九

沸鳳簫中越臣有策憐酬劍楚客無心恨 國朝沈

得弓兩地霸圖俱寂寞獨餘波浪激西風

九如詩 伍相祠堂春晝長屬鏤拜賜念先王風清鬼

馬吹沙磧日落神龍鬪石梁江上陰雲浮劍

履夜歸星斗撲衣裳夫差水 柴紹炳詩 振衣千仞皓

殿還歌舞十二鳴箏下鳳凰 頭曳履來江外烟波浮島嶼林端雪色映樓臺書成

越絕思遺俗賦入吳都見伯才縱覽不堪回首處荒

祠聊復 孫治詩 伍公遺廟鬱穹隆弱國山川極望中

駐徘徊 旌旗何處蛟龍窟笳鼓來悲草木風 蔣芑詩 胥山直

嘆恨錢塘江上惡不禁壯氣引空峒 嶠望裏人烟共渺茫曙色曛隴來棟宇潮聲昏黑出

祠堂樓閣鐘鼓春雲靜夜閃旌旗海日荒慷慨報吳

誰問越江蘋 椒酒任錢塘

忠烈廟 俗名岳王廟祀宋少保鄂國武穆王岳飛王有廟二一名忠祐在按察使左即王故宅內有王

女銀瓶并屬仁和一在錢塘西湖北樓霞嶺之陽卽今廟是也廟右爲王墓子雲墓祔初王死潛瘞九曲叢祠紹興三十二年孝宗卽位始雪王寃追復官爵錄其子孫以禮改葬今處因卽廢智果院爲廟賜額曰褒忠衍福寺以奉祠祀嘉定四年追封鄂王寶慶元年賜謚武穆復謚忠武廟有王像以其子雲霍霆霖震祔焉後作寢堂像王及夫人與其女宋亡廟廢王六世孫士迪重建未幾復廢至元間僧可觀訴于官復之杭州經歷李全慨然重興并新王像及王夫人與其子女廟貌復整至正中加額號曰保義尊嚴明洪武四年正祀典卽寺址復建祭用剛鬣歲以十一月二十九日蓋王忌辰也景泰天順間府同知馬偉重修祠墓請于朝加一祭歲以春秋二仲擇日府長官主之并賜今額曰忠烈廟弘治中太監麥秀重建寢殿以王所作滿江紅祠刻石廡下趙寬爲記廟西偏有留芳亭刻王遺像于石置亭中正德十二年鎮守太監王堂復肖王夫人及子女像于後寢扁曰一門忠孝嘉靖二十七年總督都御史胡宗憲重修

錢塘縣誌

卷之十三

廟上

十

邑人編脩金璐爲記又餘姚王華有重修忠烈廟記秀水屠鏞有續修記見陳善郡志金石刻日 國朝順治八年巡撫都御史范 清其祀產捐金重修墳墻康熙二十一年殿宇傾圯兩淮都轉運使三韓羅 感異夢重建三十一年布政使馬 諭令知府李鐸重修鐸有記四十七年七月大風忽圯啟忠祠五十四年總督都御史范 檄行知府張 首倡捐金協同錢塘知縣魏嶢暨仁和知縣王化遠重建并修廟墓 明劉基賦 木之顛兮其根必傷人垣字煥然益新焉 天殤兮豺狼冕旒臣不知有其君兮子不知有其父嗚呼將軍兮獨啣冤而懷苦仇何愛而可親兮忠何辜而可戮父兄且猶不顧兮何忠良之能育臣竭心以爲主兮又何可以爲仇也天之所廢不可植兮亦將軍之尤也鳥傷弓而欲殞兮羣啞啞而拊翼猿猱繫于機檻兮羈悲鳴而不食相伊人之有心兮曾禽獸之不如 戴天之大恥兮安峻宇而高居信讒奸

之矯枉兮委九廟于狐狸甘卑辭以臣妾兮苟殘喘以娛嬉焚舟楫于橫流兮烹驂駟于中路庸夫亦知其至愚兮昏獨迷而不寤捐薄軀以報主兮乃忠臣之素心縱狂瞽之弗思兮又何必以之為禽屈原貞而見逐兮伍子忠而獲戾固將軍之不辰兮哀中原之蕪穢弔孤墳于湖濱兮見思陵之牛羊寄遙情于悲歌兮識忘

趙寬石刻記

武穆王送張紫巖北伐詩及所製滿江紅詞皆王手

書也茲廟成因刺石西廡三司諸君咸樂觀厥成俾寬書之竊嘗考王之著述有功于世教者數十篇皆根柢仁義扶植綱常之言非特是詩與詞而已也如御書屯田三事跋反覆乎君子小人之辨賀赦表懇款乎復仇雪恥之忠暇而出其緒餘播茲篇什亦雄偉不常如此史稱王少負氣節家貧力學蓋雖天挺之才未有不資于學力者也故嘗謂王忠貞大節見于言論如諸葛武侯英邁超絕之風見于詞章如張睢陽奮乎百世之上而警動乎百世之下高山仰止景行行止人孰無是心哉

國朝李鐸

錢塘縣誌

卷之十三

廟上

七

重修祠墓記畧

自古祠墓之載于輿圖也類多名存而實亡千秋萬世而後誰復為之修

其墓新其祠者而孤忠大孝之祠與墓每閱奕禩而恒如一日惟其大節足與天地相為終始而浩然之正氣不可泯滅是以瞻拜之餘猶足以啟萬世忠孝之心而寒奸雄之膽也宋少保岳武穆王以孤忠衛社稷為秦檜万侯高等所誣一門皆死于忠孝天下傷之後以寃雪改葬于樓霞嶺之陽因廢智果院以為祠勒額褒忠有武穆王及五公子之像後為寢室像武穆及夫人而以其女銀瓶孝娥附焉春秋致祭歷代列于祀典墓與祠相隔數武墓之前有石刻盡忠報國四字大書以彰武穆之忠下復有鐵鑄綁手而跪者三人則秦檜万侯高與檜之妻王氏也嗚呼忠孝則流芳于萬古奸邪則遺臭于千年王之歿于今已五百餘年天下後世之憑弔者自朝士大夫下至一介細人三尺豎子莫不入祠生敬拜墓生悲歎歎太息而不能去豈非身後之餘榮遠過于生時之富貴哉予守紹時方伯馬公即告予曰予與君職司

風教將以忠孝之大節勵人今也岳王祠墓久而未
新恐無以為後來者勸予曰善遂共勦厥事以妥其
居而并新其墓將使拜于墓者知忠拜于祠者知孝
而各返于天地生我之心無或不忠不孝以疾茲名
教也則是役之成宋趙銓詩疋馬吳江誰著鞭惟公
庶幾其不虛焉耳宋趙銓詩攘臂獨爭先張皇貔虎
三千士搯柱乾坤十六年堪恨臨淄功未就不知宋
鍾室事何緣石頭城下聽輿議萬姓顰眉亦可憐宋
林弓寮詩天意只如此將軍足可傷忠無身報主寬
有國封王若雨樓墻暗花風廟路香沉思
百年事揮元趙孟頫詩岳王墳上草離離秋日荒涼
汨灑斜陽石獸危南渡君臣輕社稷中
原父老望旌旗英雄已死嗟何及天下中分
遂不支莫向西湖歌此曲水光山色不勝悲明李東
陽金字牌詩金字牌從天來將軍慟哭班師迴士氣
無江淮仇讐和壯士死天下林景熙詩寥落一抔在
事安有此國之亡嗟晚矣英雄萬古冤

錢塘縣誌

卷之十三

廟上

十一

孤忠懸白日遺恨寄中原樹老殘霞淡高明詩莫向
塵深斷碣昏東南天半壁往事泣寒猿中州
嘆黍離英雄生死係安危內庭不下班師詔絕漠全
收大將旗父子一門甘仗節山河萬里竟分支孤臣
尚有埋身地二林清源詩岳王墳上褒忠寺地老天
帝游魂更可悲荒恨尚存介冑何堪投獄
吏衣冠無復望中原青山能掩萋弘血落日空悲蜀
帝魂遼鶴不歸人事別吳官秋草又黃昏誰收將
骨壑西湖已卜他年必沼吳孤塚有人來下馬六陵
無樹可棲烏廟堂短計慚嫠婦宇宙惟公是丈夫往
事重觀如敗局一于謙詩匹馬南來渡浙河汴城官
龕燈火屬浮屠關遠峩我中興諸將誰降
敵負國奸臣主議和黃葉古祠寒雨積青山荒丘濬
塚白雲多如何一別朱仙鎮不見將軍奏凱歌丘濬
詩我聞岳王之墳西湖上至今樹枝皆南向草木猶
知表蓋臣君王乃爾崇奸相青衣行酒誰家親十
年血戰為誰人忠勛翻見遭殺戮敵人未必能忘秦
嗚呼臣飛死臣俊喜臣俊無言世忠美檜書夜報四

太子臣檜再拜從此始 又沁園春詞 為國除忠為敵報讐可恨 堪哀顧當時乾坤是誰境

界君親何處幾許人才萬死間關十年血戰端的孜 孜為甚來何須苦把長城自壞柱石潛摧 雖然天

道恢恢柰人眾將天物轉回歎黃龍府裏未行賀酒 朱仙鎮上先奉追牌共戴仇天甘投死地天理人心

安在哉英雄堪恨向屠隆詩 東來馬首解金鞍西去 萬年千載永不沉埋 龍輿望使官水斷黃河

旗影滅霜高白日鼓聲寒當時部曲傷心過萬古 行人掩淚看墓木不隨宮樹盡太湖春草路漫漫

文璧滿江紅詞 拂拭殘碑敕飛字依稀堪讀慨當初 倚飛何重後來何酷果是功成身合

死可憐事去人難贖最無辜堪恨更堪憐風波獄 豈不念中原感豈不念徽欽辱但徽欽既返此身何

屬千古休談南渡錯當時自怕中原復笑區區一檜亦何能逢其欲

國朝徐鉉詩 帆挂西陵隱畫橈岳王墳上草蕭蕭頻 年羌笛吹孤月盡日垂楊鎖六橋海色

錢塘縣誌 卷之十三 廟上 十三

遙添晴閣雨鐘聲晚渡浙江潮登丁文策詩 奕葉祠 臨莫問前朝事只有南枝恨未消 堂近兩

峯春風吹老墓前松功名震敵猶堪並忠孝如君不 再逢國勢幾將銜白璧天心未許滅黃龍建炎陵寢

今安在慚愧姚之駟詩 酌罷清尊慨不勝獄成三字 湖頭馬鬣封 總難憑誓心天地聲如在唾

手燕雲事未能古墓豐碑依舊土祠宮宰木姚炳詩 拱諸陵年年杜宇啼殘血洒遍湖山碧幾層

棲霞高矗劈芙蓉碧血深埋馬鬣封華表已曾歸白 鶴雲陰猶記抵黃龍淒清泪滴潭前雨浙瀝風颯嶺

上松痛惜十年空力 盡鬚眉留恨挂雙峯

靈衛廟

在錢塘門外松木塲慶忌塔山之後今俗名金祝廟 亦稱朱金祝廟祀宋錢塘令朱蹕太尉曹將金勝祝 威皆建炎時死完顏宗弼難者鄉人立祠勝威瘞所 署曰金 二太尉廟淳佑元年有京學司書三山鄉

子文爲記十年始賜廟額曰靈衛景定二年安撫洪
燾以神號請封金曰忠佐侯祝曰忠佑侯咸淳四年
士民請增蹕附廟封顯忠佐安撫潛說友改建廟設
蹕中坐而坐勝威于東西廡仍舊額元末燬于兵明
洪武四年正祀典去侯封稱生爵歲以七月初一日
致祭蓋勝誕辰祭用剛鬣府長官主之七年奉劄重
建殿宇宣德成化再經修葺弘治十二年鎮守太監
麥秀巡按御史鄧璋錢塘令吳道等重建提學副使
趙寬爲記正德嘉靖間邑人吳鼎縣令王武屢修萬
曆初縣令姜召增建後殿三十四年令聶心湯議加
春秋二祭
宋鄭子文記 太尉金勝祝威同爲錢塘尉
其後因之 曹總目建炎三年已酉臘月
金人侵杭州權守安自強拉州民避寇赭山城無禦
備錢塘令茗溪朱蹕鳩鄉兵僅二千趨餘杭邀擊其
前隊民非素練令遂陷陣而沒兩太尉集殘兵還據
葛嶺編竹覆泥爲途以禦賊越翊日賊颺至仆者鱗
集巨斧斫橫尸山委軍聲大振敵人褫魄退赤山
執民爲嚮導由南壁入兩太尉猶力護西隅以寡制

錢塘縣誌

卷之十三

廟上

古

衆戰久力疲遂遇害鄉民具馬革瘞近郊今錢塘門
外楊雲洞之右因立祠于死所今錢塘門側是也

明趙寬記

維昔宋室不競金人傲擾完顏入寇直闖
臨安事出倉卒人無固計守臣棄城而鼠

竄敵兵乘勝而獸突林林赤子陷危塗炭錢塘令朱
公蹕慷慨士也熙元元之無辜志激氣揚奮焉揮戈
鳩疲蕩之鄉民冲克威以赴關肉投餒虎蓋所不惜
于是公之屬尉曹將金公勝祝公威威負勇烈實同
心膂編竹葛嶺則羣寇大踣當關西隅則萬夫莫踰
雖以衆寡不敵相繼傾隕然問閭遁逃咸得爭脫蒼
生獲全奚翅萬計三君子者誠所謂以一身而易一
邦之人者也豈非天地至大至剛之氣而孔子之所
謂志士仁人也哉

嘉澤廟

一在湧金門北城下井亭橋西一在安樂橋東
香餅園俱祀唐相公鄴侯李泌侯初爲杭州刺

史多惠政嘗鑿六井引西湖水入城以便民民德之
爲立祠西井寺其一也宋淳熙十一年賜寺額曰安

國景定五年特改賜額為嘉澤廟今入滿州城其在安樂橋者郡志稱宋嘉定中賜今額咸淳中潛安撫說友拓地重建又皮市有唐侯廟即祀侯屬仁和載錢塘門外亦有嘉澤廟祀錢塘龍君與此異詳見後於

崇善廟

在淳佑橋西一在江漲橋皆祀晉杭州刺史陳頊

後復命歷青揚荆廣四州刺史食邑錢塘海鹽鹽官三邑因廟焉梁大同二年封侯爵曰興善又收封崇善紹興中賜額靈惠禱雨有應累封慈佑福善昭應侯寶佑六年以神見空中懾退北寇遂列王爵又臯亭山亦有廟祀係神墓所屬仁和初不載

東平忠靖王廟

俗名東平廟在秀義坊祀唐睢陽令追封東平王謚忠靖張巡宋建炎二年建

明洪武三十年修布政使王鈍為記嘉靖十五年重修萬曆二年刑部員外海寧沈友儒書事實于廟壁

錢塘縣誌

卷之十三

廟上

五

巡子亞夫以巡殉國拜金吾大將軍方守睢陽時亞夫善出奇敗賊因號為千勝將軍宋初都汴祀巡廟南渡後杭人別祠新安坊

橋名千勝廟屬仁和初不載 明王鈍廟記畧 宋高宗年追封唐揚州大都督張巡為忠靖王廟于杭城秀

義坊迨今二百餘年有禱必應洪武三十年光祿寺卿魏彥忠來言里人吳興捐財聿新廟宇嗚呼公之

精忠昭于史冊何假後人之稱述哉當時圖像崇封廟食睢陽宜矣今廟食于杭能福其民而永其祀者

實公忠義塞乎宇宙無所不在所以宋元相繼錫號贈謚炳于章誥遺芳餘烈無間異代司馬公有曰彼

顏杲鄉張巡世治則擯斥外方世亂則委身孤城鏖粉賊手何其不幸也至哉斯言謹係之以辭俾歌以

侑奠云其辭曰神之來兮洋洋亶瞻仰兮無方駕蒼虬兮回翔馭風馬兮飛揚青雲衣兮白霓裳表獨立

兮堂中央靈皎皎兮烈日爭光風翊翊兮凜于秋霜蒸蕙肴兮薦椒漿分五音兮鏗鏘彼宅心兮不臧神將降兮厲殃福斯民兮壽而康矢予誠兮懷勿忘

廣惠廟

郡志稱廣衛廟在錢塘門外霍山坊祀唐僕射張渤初祀廣德軍之祠山宋康定元年封靈濟

王崇寧三年賜廟額宣和二年封忠祐紹興間兩加

昭烈正顯之號乾道五年始建今處景定二年洪安

撫燾咸淳四年潛安撫說友前後修葺歲以二月八

日傾城士女駢集相傳神即吳山張大帝是日其誕

辰也

金華將軍廟

在湧金門內祀將軍曹杲杲真定人仕吳越為金華令平叛兵有功就擢婺守後吳

越王弘俶入朝委以國事杲即城隅浚池引湖水入

城以便民王歸嘉之題曰湧金池刻石并識其旁云

清泰三年丙申之歲建午之月特開此池郡人德

之立祠咸淳初安撫李芾重拓并列刻石于廟右

天澤廟

俗名履泰將軍廟在金沙灘祀吳越孫顯忠宋嘉熙間趙與權尹京禱雨有驗奏封天澤侯建

廟特賜額曰孚應額及省牒皆與權手書石刻天澤

二字猶存廟有葛仙翁所植虬松今廢左為天澤井

錢塘縣誌

卷之十三

廟上

六

明萬曆癸未夏旱郡守張振之率屬遍禱不雨一夕

將軍降乩示以所嚮且為之助明日遂雨廟故監將

傾是秋即拓地重建郡丞喻均有記并請明喻均重

著為令歲以夏秋仲月令邑丞以下致祭

建廟記畧

履泰將軍廟隸錢塘之金沙灘去郭十五里許地故僻不入通衢而廟隘僅數椽顏

垣敗瓦隱約桑柘間罔有過而禮者太守張某始撤

而新之廟之址不盈畝議者爭言廟旁地故盡屬將

軍陰蝕于里中之黠者第下從事按之立可致公曰

吾為安神計乃更擾百姓乎不聽第昂其直以市遂

廣至五畝有奇前為廟門南引而臨衢門兩楹中為

殿奉將軍像殿四楹益弘以敞後為殿奉將軍夫人

像寢亦四楹而制稍縮門以內築甬屬之夾甬而淵

然于殿之左者為井大旱不涸翼亭其上負門而屹

然于井之前者為臺以禱雨寢之後為池窅然幽以

深將軍故以天澤侯封池所以象澤從陰氣也迤殿

而東為房以棲守廟緇流隙地為蔬圃間樹以竹綠

以周垣既壯且麗廟新矣人人知有將軍易觀聽而

禮祀之矣廟所以新者何先是夏六月不雨守日相率大僚虔禱一夕神降于乩亟稱爲孫將軍具示禱雨所嚮守大驚詢左右莫有識者稽往牒而走視其廟則將軍固嘗以禱雨顯宋嘉熙間勅封爲護國天澤侯守益大駭如將軍指徧禱之車未入郭門而甘澍隨之矣一雨三日隴畝盡沾足歲不爲凶遠邇大謹始請于監司發贖鍰新將軍廟五閱月而廟成公復爲申著祀典每歲以夏秋二仲月檄丞簿尉一人躬詣廟致祭爲百姓祈穀令毋旱薦紳三老將立石廟中以語來茲而屬記于余爲述其大端如此

昭節廟

在保安坊舊志神爲喬亢陸軌皆襄漢人同仕周爲殿侍東三班守宣祐門宋太祖受禪詣門拒弗納既乃自他門入受朝賀卽召宣祐門守班皆自殺太祖大驚趨救之得未死者二人乃喬陸也詰之乃曰臣止事一君所以乞死太祖慰勞再四陞爲班長且賜青紅二色帛爲帽飾表之二人旣出復自殺太祖義之命立祠以祀南渡後建廟于杭州會大火見空中有青紅二旗書喬陸字火隨熄衆賴以安

錢塘縣志

卷之十三

廟上

七

事聞孝宗賜額曰昭節寶祐景定中三加封爵喬曰忠義威福英惠侯陸曰忠烈盛德英祐侯

旌忠廟

俗名三聖廟祀宋高永能景思誼程博古神宗元豐間同爲統軍禦敵銀川戰死廟食于鳳翔

府宣和間方臘寇睦州討捕者禱神而勝上其事始封爲侯高宗南渡神顯靈衛駕後張浚吳玠總兵鳳翔屢以陰功助武朝議嘉之加封王爵歲以十月三日致祭建廟賜額曰旌忠在望仙橋北今三聖橋是其所也會建德壽宮徙置故覺苑寺正宇奉神尙書黃由有記而平安里佛會寺亦有神祠具屬仁和後復建故址明天啟辛酉大火幾延及廟見神金冠絳袍坐廟屋巔得無恙國朝里人王耀鼎等重建尋燬復葺宋黃由廟記畧旌忠廟者爲宋元豐三忠臣作

諱永能綏州人景諱思誼晉州人程諱博古河南人元豐五年有事于銀州合蕃漢十餘將西行兵幾十萬高佐中軍景佐後軍程處徧列方寇薄城下其鋒叵測是時三軍同日出戰而謀臣不良奇機密盡往

往見沮于首事之人九月己卯寇攻亟中軍曲珍計無所出程曰願當前不濟則敢以死戰即挺身從數百騎力摧其堅以歿是月戊戌寇甚迫許議和未決景請行且曰不從則誓以死爭及馳見辭不為屈竟被囚殺之十月丙寅城援孤絕勢岌甚矣高曰吾自結髮大小百餘戰未嘗敢辱今事至此因易敝衣奮戰樹掛弦絕吭死之事聞朝遣其節賚恤休洽尋廟食之宣和中方臘寇睦詔加收捕奉命者請禱寇即消殄于是肇封高為感聖景為順聖侯程為惠聖侯建炎中增封紹興初大業甫濟帝念列神之功議所以尊顯之者於是陞封王爵曰威烈威顯威惠厥後兀木擁眾窺全蜀時張浚吳玠總兵鳳翔直與對壘事急置祠以禱之一日雲厯晝冥風雨大作敵騎驚遁我師乘之大勝凱入二公合辭以聞遂增封曰忠烈靈應曰忠顯昭應曰忠惠順應紹興末阜陵復于我國家而累聖崇報既著顯冊其所以寵賁之者至矣

錢塘縣誌

卷之十三

廟上

六

昭貺廟

在渾水開南祀宋兵部尙書張夏景祐間以司封郎中為兩浙轉運使江潮為患築石堤自六

和塔至東青門延袤十二里杭人德之立祠堤上俗稱張司封廟慶曆二年贈太常寺少卿大觀二年封寧江侯改封安濟公紹興十四年勅贈靈感三十年增順濟尋加爵號曰靈濟顯祐威烈安順王祠之左右奉十潮神每潮水鬪岸禱之輒應明成化間江潮泛溢命工部侍郎李顯來浙督治禱神患息遂即舊址重建

顯功廟

在寶石山保俶塔西祀宋布衣岳瑀錢塘霍山坊人嘗為臨安府吏建炎三年冬完顏宗弼由

獨松關犯杭州守臣遁於赭山瑀乃募勇士三百人推錢塘令朱蹕為謀主金祝二尉為先鋒誘敵由西溪並天竺東來掘塹葛嶺編竹覆泥以陷之敵忽從南壁寇城西瑀力戰死焉郡人請於朝立廟賜額曰顯功封爵曰忠翊侯俗呼寶稷山王以其地名也按寶稷山即巨石山明紳士凌登名錢養庶等有祭巨

石山神文
刻石廟側

忠義廟

俗名施公廟在忠慶坊巷口伍公廟前有石坊刻吳山第一廟神即宋殿司小校施全憤秦檜奸邪誤國懷刃刺之不遂被執檜鞫之罵曰汝豈病心耶全曰汝病心耳國人皆欲殺賊汝獨議和非病心而何檜怒磔於市邦人憐而立祠後燬明成化十一年重建大理卿夏時正有記又眾安橋側亦有施公廟屬

仁和

協順廟

在石塚祀宋陸圭圭昭慶軍人熙寧間以祖澤補右爵調真州兵馬都監宣和中引兵進攻方臘敗之死為神紹興間海潮為患神檄陰兵却平以衛江岸淳佑中潮圯江岸衝激尤甚屢築不就神與三女揚旗空中浮石江面岸賴以成浙西帥臣徐臬聞於朝賜今廟額封廣靈侯并封三女為顯濟通濟永濟夫人一主護岸一主起水一主交澤傍有小廟祀十二潮神各主一時

錢塘縣誌

卷之十三

廟上

九

靈惠廟

在孝女北管下墟祀宋謝達謝緒達字明遠晉太傅安之裔也徽宗時提舉淮浙避蔡京隱於石門嶺嘗歌靈蓮詩云躋險築幽居披雲卧石門乃終身焉歿後忠靈不泯建炎中金人犯京鄉人傍徨聞空中有金鼓聲見龍舟上下旌旗振耀內一旗署謝公之神鄉民賴以無恙因共立廟祀之庚子歲元夕神預夢於民曰歲當大旱宜先為備四方開井夏秋旱魃肆虐赤地千里本鄉得井灌田民無飢色自後祈禱輒應咸淳中勅封廣德侯建廟賜額靈惠鮑覺有記歲以三月三日社會致祭緒達之孫也金人外寇謝太后中制於權奸緒以戚畹故恚尤切建望雲亭於金龍山巔讀書其中甲戌秋霖雨天目山崩水溢臨安溺死者無算緒乃散家財溥濟之會眾泣曰大日乃臨安之主山宋亡矣亡何太后北轅嘆曰生不能圖報朝廷死當奮勇以滅賊作詩自悼書說楚水死水勢涵湧高丈許若龍鬬狀尸為之不流顏色如生人咸異之元末黃河於鄉人曰吾飲恨九泉百餘年今幸有主越數日黃河北流其驗也汝輩

當歸新王明年春呂梁之戰吾其助之丙午春黃河
北流九月明太祖取杭州丁未二月傳友德與賊大
戰呂梁見金甲神人空中躍馬橫槊擒賊衆大潰成
祖議海道不便復修漕運凡河流淤塞力能開之舟
將覆溺力能拯之神之顯著于黃河特甚嘉靖中奉
勅建廟魚臺縣隆慶中遣兵部侍郎萬恭致祭封金
龍四大王至今明威赫然歷著靈異 國朝祀典
津嘉墓在金龍山陽總河尚書張 重請修建

國朝王修玉詩

錢塘三日江湖絕國破君降趙宗成
信公被執越公亡義士孤臣泪流血

金龍山下草莽臣丹衷耿耿愛乾坤生無報國死有
恨願身靈爽將敵吞投淵憤抱三閭節浩氣如雲波
上結黃河北流吾志酬臨投親爲父老說淮右真人
應運興呂梁接戰前軍奔河流逆行忽北注神人躍
馬天晝昏雲頭驅敵火旗動隱隱甲士橫戈殫夢中
謁帝道名姓賜封立廟加褒尊三百年來作河伯捍
患禦災功赫赫風濤變化無定形呼吸之間著靈迹
聖朝有道波不揚陽侯效順天吳藏璧馬不沉衝潰

錢塘縣誌

卷之十三

廟上

于

息至尊何必歌宣房行人過此盡禱祭考鐘伐鼓牲
醴芳廟中巫覡霑醉飽四時歌舞紛翱翔我今汗漫
適燕北媿無獻享酬王德漫將
遺事記短歌萬禩千秋頌無極

靈應廟

在小麥嶺飲馬橋側祀宋蔣通通生平性直好
善事親孝紹興十一年夏端坐逝于嶺之桐木

下七日如生遂收葬于此明年疫大作是境獨免有
父老夜夢神曰某蔣通上帝命我護境故疫不侵于
是德而祀之端拱三年境有虎患禱于神遂就擒嘉
熙庚子辛丑歲連旱境獨有雨民賴以濟事聞于朝
賜廟額

屠墟廟

在古蕩祀漢劉璋相傳有神降于巫問里人曰
今廟何神也里人踞曰不知父老祀之久矣神

自不知而祀之無乃虛父老之惠乎且爲神主此爲
地方福垂數百年而不知姓名可乎因書曰吾漢劉
璋也于是
香火益盛 吳農祥詩
空山雨洗莓苔色古廟風吹劍
戟聲南郡公安遷徙地月明麾

蓋出
重城

馬勝廟

在武林門外溜水橋祀宋馬雄馬武世傳二人
東西居共為田園之勝故名咸淳志或云勝當

為城蓋錢王舊城餘杭門外原自有北關門今夾城
巷乃故基也土細宜花卉元羽士張伯雨嘗寓此明

萬曆三十
六年重葺
明屠隆廟記
城北有隅曰馬勝乾德間僧

寶覺豐樂寺後為劫灰僅存雄武二王祠槩而名之
馬勝廟以奉土穀香火其基亦盈畝而止及考二王

為馬公雄馬公武有忠于宋宇將領主僧寂學整鉢
修輯父老襄成之擴其畝者三庀工治材為營豐樂

古刹尋葺兩王
廟一時並新

順濟廟

在清水閘西湖志神為馮俊錢塘人天資剛直
幼孤孝母年十八夢上帝遣神易其肺腑云將

有微命既寤豁然初不習文藝至是驟皆通曉叩以
禍福莫不前知足未嘗履闕而人或見之江海之上

錢塘縣誌

卷之十三

廟上

三

元祐中有舟渡江值大風分必死神即現形雲間叱

咤之頃顛濤帖息又嘗就寢竟日乃醒家人視其嘔

吐皆海錯怪物大觀三年十一月忽語人曰上帝命

司江濤事不得辭越三日不疾而終年三十有六先

期旬日于清水閘所居西偏自營兆域既沒靈異尤

夥人即所居祠之紹興三十年賜廟額曰順濟慶元

庚申年封靈祐公
紹定間封英烈王

忠勇廟

在九里松祀宋統制張玘因解海州圍戰沒于
陣詔贈容州觀察使賜額建廟行春橋本寨

惠應廟

在吳山至德觀右祀宋東京皮場鎮土神張森
神素事神農凡疹疾瘡瘍有禱輒應漢建武時

即崇奉立廟宋政和間賜廟額封王爵南渡初移像
至沈立廟咸淳間加號明靈昭惠慈祐王按廟刻又
云神即古神農集天下孝義勇烈之士二十四人分
六二分野播種採藥兩廡有二十四仙醫自漢唐迄
宋殲寇助順歷有
神蹟見夢梁錄

白馬廟

在七寶山東麓舊名護國天王廟宋建炎間以祀磁州崔府君者今奉為土穀世傳泥馬渡康王即此見宣和遺事詳嘉定三年奉詔撰中興顯應觀記其畧云真君姓崔廟在磁州奉之五百餘年靖康中高宗由康邸再使敵磁去敵營不百里謁祠下神馬擁輿勸帝還轅孝宗誕育于嘉興先兆絳服擁羊之夢生有神光燭天之祥此皆其最著者也中興駐蹕錢塘初置觀于城南尋徙于湖濱竊考神之所自或以為北魏之伯淵或以為後漢之子玉雖皆名崔公而實非也續會要等書亦不詳諱惟仁宗實錄景祐二年封崔府君為護國應顯公且言府君唐正觀中為相州滏陽令再遷蒲州刺史史失其名賜府君之廟京師及郡縣奉之如嶽祠元符二年即舊號封王大觀賜廟額政和賜冠冕七年加封護國顯應昭惠王宣和三年郡守韓景承命葺祠曰敷靈觀曰顯應且按舊碑為記其說與實錄同又言唐太宗時嘗入夢詔編錄靈迹五十餘條傳于世淳熙十三年改封真君然至今以府君為號者猶本為令時也季

錢塘縣誌

卷之十三

廟上

三

夏六日相傳為府君生朝孟冬十日云以是日上升禁庭皆設齋蕪都人士祈禱者駢擁竟夕又西湖志靈芝寺側舊為顯應觀祀崔府君云靖康間高宗為康王避寇走鉅鹿馬斃夜行莫知所往忽有白馬導之既至祠見廡下泥馬流汗因倦假寐夢府君以杖擊地促其行白馬復導至斜橋谷會耿南仲來迎馬忽不見及即位復夢神將白羊饋之曰得孝子實兆孝宗由是累朝崇奉咸淳間改額昭應理宗書洞古經石刻後歸靈芝寺遂廢

資福廟

在江干祀宋烈文侯張憲侯為岳武穆王步將相傳即王之壻以驍勇聞從王征伐屢著奇績並為秦檜所忌嫉張俊誣奏與王子雲同日遇害墓在東山街口景定二年追封烈文侯秩祀立祠墓所復為建廟于江干之忠壯鄉地即以侯得名詳見唐阜重建侯祠記

安濟廟

在馬坡街志稱東安濟廟即舊太平院俗名祖廟祀宋安濟王張夏初夏治潮患築石塘自六

和埜至東青門人始之立祠堤上今廟址正宋東青門外元始拓入城內按宋東青門俗呼菜市門今名太平門與清泰門相距里許今馬坡街在清泰門傍則是廟或即舊時堤上所立後入城奉為土穀者也廟上即關王閣康熙甲戌燬丙申春里人宋春暉葺楊玉殿祀之神蹟詳前昭貺廟

汪王廟

在吳山大觀臺之麓祠唐節度使汪華高祖時以保障有功封越國稱王持節歛宣杭睦婺饒

六州諸軍事明洪武間封廣濟惠王

蔣相公廟

在西溪丁斤池北祀宋建炎間蔣崇仁與其弟崇義崇信世居興德坊善賑施每秋成出家資入鄉儲穀平價以市即歲荒踴貴一如原直且聽糴者自量或捐與饑者自少逮老不變臨終且囑二弟踵而力行曰為人須存好心行好事里人德而祠之歲以六月九日為神誕社會致祭咸淳三年賜廟額曰廣福六年安撫潛說友請于朝封神及二弟皆侯爵曰孚順孚惠孚祐廟在鹽橋西即侯故居淳

錢塘縣誌

卷之十三

三

廟上

熙間尹韓彥質感神異徙建橋上其故居為祖廟宋胡長孺明徐夔一國朝林璐皆有記詳仁和志今廟地名俗呼蔣村相傳昔侯苗裔私祀于鄉者也廟前有池深廣亘里許漁者可得魚干片故名春深風雨聞有赤鯉巨如鼉編來朝神廟人或見之國朝錢塘令慕子顏請為放生池又秦亭山亦有蔣王廟

明劉泰詩

一溪流下選方塘誰種溪南十畝桑樵路暗通三寺人家住近百花莊偶隨芳草

尋詩去却愛青梅煮酒香便典春衣拚醉倒傍人慣識杜陵狂

蕭相國廟

俗稱蕭王廟在蕭公橋近慶豐關祀漢相國鄧侯蕭何一在弼教坊自宋南渡從汴徙建

而東里坊又奉侯為土穀神廟祀尤盛在南城巷者最古蓋其地即宋舊城基南路元至正間始拓城絡

入市河而廟雖存國朝重建錢封有碑記并題廟額貢院西清遠橋亦有鄧侯廟屬仁和

三義廟

在湧金門外開水亭之東祀漢昭烈帝關壯繆侯張桓侯廟額曰三義其肖像則三人皆上列

焉 國朝吳任臣有辨曰立廟是也同坐非也帝與
二公恩若兄弟分則君臣史言先主初起時每當稠
人廣坐關張侍立終日是在未即位之先尚有主臣
之辨况已登大寶而猶可並列乎然則廟中之位若
何奉昭烈南向而壯繆桓侯侍坐東西有如大丞配
享之列蓋為尊者禮在則然也同郡柴紹炳向亦主
此論今特申 丁文策詩 湧金門外湖邊寺二義高名
說之如此 薄天廊落斷圖扶漢鼎艱
難旅鬢定西川死生兄弟恩無間聚散君臣
分外堅對酒漫論千載事相將永日未迴船

東嶽廟

屬錢塘最著者有三一在吳山馨如坊宋大觀
中建興忠觀有理宗御書東嶽之殿四字元季
燬明嘉靖十一年重建康熙初年又燬一在中台入
蟠嶺宋咸淳中建明萬曆間徙建尋圯康熙中重葺
一在西溪法華山下塢口宋南渡初建嘉定十七年
樞使史彌遠請于朝重拓寶慶三年落成劉霽為記
至今為杭郡嶽廟之剋廟制甚肅每年三月二十八
日相傳神誕建設齋儀極其華盛而遠近城鄉士女

錢塘縣志

卷之十三

廟上

三

麋集遂因以 明郎瑛重修廟碑記 泰山五嶽之長也
為春遊焉 王者受命必告岱

以祈永歷代封禪必登記以報功是以天下崇奉而
吾杭錢塘適當東南廟居三焉一在邑中吳山一在
郭外入蟠嶺一在法華山法華去城三十里人心趨
向於此為最暮春三月傳為誕辰民俗因之以賽會
絡繹道路者昏夜無休焉或曰三廟獨盛于法華何
也余曰昭靈貺也觀其湧泉假夢載諸碑者詳矣自
宋至今五百餘年而廟貌益隆豈人力之可能哉今
年三月余往謁廟見一碑露月下召祝語曰石久困
風雨壞無日矣為蔽護之明日碑忽自碎眾共驚駭
或曰是神意欲更新之也明日祝來告乞文彰之序
慨然於是述其顛末賁石鐫之為

水神廟

在寶月山北祀龍四大王上為龍神祠前玄
禳火患方開基闢二十五年郡民姚世明等倡建鎮
泉湧出遂名曰金龍泉 陳學易記 杭會城吳山歸
然南嚮相傳火

形故數有鬱攸之變堪輿家謂宜建水神廟于癸方
居天吳以制之者民姚世明輩固倡甃山北行路遂
白于左方伯河東趙公泰却吳郡劉公皆報可購地
寶月山之北為畝者四甫築基忽地湧出泉極清澈
蓋在高山之椒人已異之而復一鯉躍出人更異焉
遂名泉曰金龍閱數月奠礎豐草中得古廢輒數寸
上埴有安寧萬姓四字近撫長公筆法遂懸諸廟為
民請命于神也廟面北構高閣棲神迤南而上磴道
數級面西建宇祀龍君左偏築路以便行人右偏為
屋數椽以居羽流屋後數步而上即湧泉在焉翼亭
以覆之面南為門周圍繚以垣始作于戊戌四月落
成於今年九月姚世明輩將謀立石廟中乃屬記於
余余效之祀典禦災捍患則祀之誠以其康國又民
崇報所當先今東南都會比屋可封西北漕饒飛輓
藉庇於昭乎禦災捍患惟神之麻誰謂于祀典勿宜
余故不辭蕪拙而為之記禹曆乙巳冬十月立石

火德廟

在吳山宋以大火為分野南渡後建此以奉熒
惑之神明洪武中布政使王純永樂中參政易

錢塘縣誌

卷之十三

三

景相繼重建今郡人禳火者皆就廟中蓋遺俗也
國朝康熙二十五年燬巡撫都御史金鉉倡募重建
內有十二峯舉起林立曰筆架曰香爐曰碁盤曰象
鼻曰王筍曰龜息曰盤龍曰劍泉曰牛眠曰舞鶴曰
鳴鳳曰伏虎董其花色詩怪石玲瓏瞰鬼工天然琢玉
昌書坎離既濟額
鼻鼻山頭供太空右香爐峯亭亭迥出翠微生彷彿
瓊芽遂得名原是天空移植此任他風口不枯榮右
玉筍峯儼是延津瑞氣生霜天嘯響月微明如何不
助干城將萬估千秋作石名右劍泉峯玉立崢嶸筆
架看何人遺擲在仙壇不教學士供書案日日峯頭
件歲寒右筆架峯石局平鋪傍翠巒迷離烟霧最奇
觀遊人每倚楸枰看漫瀟柯山舊日盤右碁盤峯巖
石嵯岈象鼻並年年靜處未曾移夜來明月仙壇畔
儼似金崗負鼎時右象鼻峯彷彿犧牛久自眠牧童
鞭逐不知還架犁若出深山去願佐君王事籍田右
牛眠峯曾伴丁仙住翠微翩躚常駕白雲飛想
因學得仙人術化作千年石今威右舞鶴峯

梓潼廟

一名文昌祠神本蜀人其初廟食於蜀歷晉迄

元開化文昌司祿帝君嘉熙間蜀破民多徙錢塘有

錄云在吳山承天觀此蜀中神封王爵曰惠文忠武

孝德仁聖王中建嘉慶樓祀神所自生及其配嗣元

末燬明初重建國朝康熙二十五年燬巡撫都御

史金鑑復建一在西湖集慶寺側明萬曆十三年巡

撫都御史温純始建郭子章李惟楨有記一在孤山

四賢祠西湖志稱古文昌祠萬曆間南嶺巡撫邑人

洪瞻祖有重修孤山文昌祠碑記并銘內有董其昌

書紫府飛霞洞天額國朝康熙中燬兩江總督范

承勳浙江布政郎廷極重建并祀關壯繆前為魁星

閣下為學使黃安張希良祠仁和吳筠有記并題額

又貢院東有佑文祠俗稱文昌閣國朝康熙庚午

年巡撫都御史張監臨榜發從解元吳筠請倡

捐重建筠為記并題額觀橋西亦有文昌閣以上皆

杭郡文昌廟最著者其他遍于四境與關帝祠廟並

錢塘縣誌

卷之十三

廟上

三

盛不及 郭子章記 今宇內祠文昌君者其概有三有

備載 梓潼帝君張亞子仕晉戰歿人為立廟唐元僖西狩

入蜀神屢擁護宋咸淳中神殲王均招安使以闡詔

飭祠晉王號少府于是介胃囊韃之夫爭祀焉有因

其縮文柄而祀之者說在化書神累世業儒帝命掌

天曹桂籍凡士鄉舉里選祿秩爵封皆隸于神于是

射策之士爭祀焉有謂神佐南斗注生祀之者說在

眉山蘇氏其曰張仙者神本張宿妻昭張氏入蜀稱

北郭張生也張弓挾彈者神本張氏子為黃帝始造

茲矢不忘其初也禮男子生懸弧矢又祀高禩禮于

所御者帶以弓鞬授以弓矢皆祈男之祥也蘓氏以

玉環易彈歸誕軾轍為宋名賢于是世之弗無子求

有子者爭祀焉總名之曰文昌何也文者精所聚昌

者揚天紀輔弼並居以成天象也象似戴筐星有六

一曰上將大將軍建威武次二曰次將則主武事三

曰貴相太常理文緒四曰司祿司中司隸賞功晉爵

則主文事五曰司命則主人間似續生滅夫星者

陽之精氣本在地而見於天文昌所居臨于斗魁名曰天府其能役使羣動受辭祝史有以哉

關帝廟

祀漢關壯繆侯初獻帝封漢壽亭侯先主拜前將軍假節鉞後主追謚壯繆侯宋崇寧元年進

封忠惠公大觀二年加封武安王南渡建炎淳熙間復累加王號明萬曆十八年封三界伏魔大帝杭城

廟祀極盛今舉邑境之表表者一在孤山俗名照膽臺前有三義閣後有清嘯亭向貯玉篆一文曰漢壽

亭侯印瓦紐相傳為神故印有石刻竹相傳為神舊筆以竹葉畫成詩字又有碑刻白蘇詩及唐宋人孤

山詩董其昌書一在跨虹橋北岳王墳左萬曆十五年建尙書張瀚為記有郡人施如忠客燕涉河舟覆

見神空中率諸河神拯救得免歸即倡募建此并祀河神於後陳繼儒題廟柱有云德必有隣把臂呼岳

家父子忠能擇主鼎足分漢室君臣一時傳為警絕一在錢塘城門萬曆二十六年建以當山水之衝清

波候潮兩門重城內亦皆有廟一在吳山通元觀一在布政司前一在城北隅一在佑聖觀內一在靈應

錢塘縣誌

卷之十三

廟上

三

觀側俱見舊志一在義和坊相傳為神祖廟宋嘉定間建見西湖志今通志稱靈驗香火最盛者一在千

步廊一在萬安橋有東西二廟明嘉靖中封禮部郎錢科闕捐所居地築橋并建以安里社國朝康熙

又新橋倉側亦有廟歲以五月十三日為神誕今按蜀志本傳云神祖石磐公諱審字問之漢和帝永元

二年庚寅生居解梁常平村寶池里冲穆好道去所居里許得芬塲誅茅絃誦以春秋易訓子至桓帝永

壽三年卒壽六十八子諱毅字道遠即神父篤孝仍先志具窀穸於所讀書處廬墓終喪歸村居為漢桓

帝延熹二歲明年庚子六月二十四日生神生而英奇雄駿長受春秋易旁通淹貫娶胡氏靈帝光和

元年戊午五月十三日生子平次年弱冠謝父母曰兒已有後足奉祖福今漢將燼誰為扶紅日照人心

者遂詣郡陳時事據此神誕當在六月二十四日國朝尙書商丘宋榮筠廡偶筆云康熙十七年有解

州常平士于昌讀書塔廟即神故居書夢神示以易

淳適見濬井者得巨磚上有字讀之正神先系祖考諱字生卒甲子大畧遂白州守王朱旦迹神祖墓封之并作碑記以表錢塘馮景張麟輩競傳其事平江蔡方炳特勒石神閣以傳神異

華光廟

在布政司東祀華光神俗稱華光巷舊邑志稱在新橋西湖志稱在普濟橋上本名寶山院又

靈順宮亦名寶山院俱見西湖志宋嘉泰間建紹興初丞相鄭清之重修元延祐間加封號

三官廟

西湖志稱承天靈應廟在吳山城隍廟之東舊為天地水府三元堂即宋龍德三年建名玉虛

觀紹定四年改冲天觀等燬端平三年重建更賜額曰承天靈應觀中有天開圖畫閣東軒清暉亭詳見

寺觀古跡歲以正月七月十月三望日為三元節步禱至山者接踵於道

太歲廟

在吳山海會寺之西宋渾儀臺側十二曜太歲堂也紹興初建理宗書額曰至德之觀元至正

燬渾儀無存行省丞相達識帖木兒重建塑三天帝真五星九曜周天星宿石土神煞之像今俗稱星宿

錢塘縣誌

卷之十三

廟上

三

閣諸像元末已燬明天順六年重建每歲迎春奉勾芒神于此

小城隍廟

在保安坊羊市街西湖志稱舊城隍廟宋紹興元年建以祈蠶穀雨賜者明永樂末年憲

使周公被法後為城隍數見盼蠻杭民因奉其主為新城隍而改奉舊主於此為土穀

順濟聖妃廟

俗名天妃廟亦名天后宮在三茅觀側即三仙閣址祀莆田林都檢女宋宣和五年

賜廟額曰順濟紹興間封靈衛夫人改封顯惠妃慶元四年勅加助順嘉熙三年累封為靈惠助順嘉應

英烈神異素著凡瀕江海廟祀甚盛此在邑境之一廟內并奉江潮諸神又候潮門外蕭公橋亦有廟

嘉澤龍王廟

即古水仙王廟俗稱龍王堂在錢塘門外梁大同年間建以奉錢塘湖龍君吳越王

錢鏐表封為廣潤龍王鏐有碑記後累封為靈淵溥濟廟額曰嘉澤宋乾道五年安撫周淙以禱雨輒應

重建淙有禱雨文寶祐間安撫馬光祖更創咸淳五年安撫潛說友葺而新之後徙建壓堤橋之北并以

樂天和靖子瞻三賢祠祀有井曰薦菊蓋取蕪詩不然配食水仙王一盞寒泉薦秋菊之句後廢仍祀三賢於孤山明嘉靖二十二年郡守陳仕賢因禱雨有應重構亭其上後圯萬曆十四年守余良樞重建有記後仍築于孤山之麓今改爲平湖秋月亭遂建廟于傍

靈官廟

在五雲山巔晉天復間賜額真際院相傳九月二十八日爲神誕北高峯西溪亦有廟皆靈驗

見通志

嘉濟廟

一名江東廟在吳山祀秦嶺人石固宋累封王爵賜今廟額初在崇福里繼徙貢水之東雷崗

故又名江東明隆慶

三年建見西湖志

靈濟廟

在吳山祀唐桑憲保姚江人行九故俗稱桑九郡王仕唐宣宗時使海昌卒追封爲神建炎間

助張浚禦金寇事間建廟明景泰嘉靖間又以塞黃河功封王爵歲久廟圯萬曆四年重建

錢塘縣誌

卷之十三

廟上

三

顯慶廟

見夢梁錄西湖志稱顯應廟在風篁嶺祀宋郡守胡則當宋仁宗朝再牧杭州有惠政退老西

湖卒墓于此數見

靈異遂立廟祀

北勝廟

見郡志祀宋北勝將軍舊邑志作北勝俱未詳姓氏地址云里人沈氏施宅拓之

伏虎廟

在鎮東樓對撫寧巷內

元帥廟

在雄鎮樓西倉橋上

曹王廟

在柵外二尚祀宋濟陽郡王謚武惠曹彬太祖下江南時駐節于此不戮一人民德之建祠

祠

啟聖祠

在縣儒學

名宦祠

在縣儒學

鄉賢祠

在縣儒學以上三祠俱詳見學校

旌德先賢祠

在保安坊羊市街俗稱旌德觀巷舊在西湖蘇堤南山第一橋名先賢堂宋寶慶二

年京尹袁韶奏倣紹興鴻禧觀建祀鄉先賢陶唐許由漢嚴光吳凌統晉范平褚陶孫晷宋上天與范叔孫齊褚伯玉顧歡杜京產梁范元琰褚修唐褚遂良褚無量許遠章成緬錢鏐錢弘俶宋郎簡林逋謝絳錢彥遠錢藻沈邁陸詵錢勰吳師禮虞奕崔貢張九成共三十一人韶各為贊明年詔易其額曰旌德觀中書舍人王堅為記自此列代增祀賢誌記載紛紜今據各志彙訂備載臚列姓氏如左陶唐許由吳伍

錢塘縣誌

卷之十三

祠下

一

員漢嚴光吳凌統晉范平褚陶孫晷孫惠宋上天與范叔孫齊褚伯玉顧歡杜京產梁范元琰范述曾褚修唐褚亮褚遂良駱賓王褚無量許遠顏真卿李泌陸贄白居易章成緬五代錢鏐羅隱宋錢弘俶郎簡唐介趙抃蘇軾林逋謝絳錢彥遠錢明逸錢藻朱弁王庶沈邁朱躡陸詵錢勰吳師仁虞奕吳師禮崔貢滕茂實宗澤李綱王十朋張九成岳飛施德操楊由義陳禾呂祖謙李執楊璿余古李宗勉俞烈趙汝談葉時趙希瑄洪咨夔徐應鑣朱清徐復謝翱元吾衍楊載金履祥許謙陳斗龍鄒世聞明方孝孺鄭濂鄭湜張翺夏誠高暉王良陳鏞鄒幹王琦于謙夏時正江玘柴車魏驥朱鏞夏時倪岳商輅項麒吳誠金洪洪鍾孟春江瀾丁養浩施魯李旻陳珂鄒濟鄒虞胡世寧王守仁孫燧邵銳江曉許相卿陳荆獻李璣衛江躍許應元許貫之張瀚陳克昌方九叙張涑姚良弼董漢臣翁相吳源張濂沈詔茅瓚陳善徐子方何琮陳洪濛陶大臨王世名楊周高儀邵大章張椿孫本許應亨顧言凌立郭孝馬三才孫棧郭維垣江圻

朱幾李逢春許三省宋應昌錢立柴祥孔承祀沈楠
潘顯龍嚴大紀黃裳顧鈴林梓錢華沈文許子良黃
應奎楊兆坊徐桐王化江鐸陳禹謨黃思道馮夢禎
朱印凌登名陳洽沈瑞臨方可立鍾化民顧汝學凌
登瀛陳學易張鳴鶚錢養廉高崇禮陳植槐聶心湯
許仲譽陳植樟姚文蔚翁汝遇林逢春黃克謙汪有
功徐履嚴子茂沈守正胡引嘉郭金科毛偉李唐黃
汝亨李中華李中楫倪元璐施邦曜凌義渠周鳳翔
吳麟徵陳良謨吳太冲錢有聲吳甘來沈光祚顧咸
建王道焜陸培陳潛夫翁常豫劉宗周祁彪佳王寅
國朝范承謨王佑賢王法平章士斐錢封許昭遠共二百
廿七人右爲女貞祠一名表貞亦始宋京尹袁韶奏
建祀晉虞潭母孫氏孫畧妻虞氏唐馮孝女莫何氏
宋章瓊妻盛氏五人明成化間增祀宋楊由義母湛
氏元姚孝女黃仲起妻朱氏鄒世聞妻李氏明夏思
誠妻王氏胡義姑六人共十一人大理卿夏時正有
議先是與先賢祠合祭至是以別嫌撤位萬曆三十
四年令聶心湯復建祠祀晉虞孫氏而下十一人又

錢塘縣誌

卷之十三

祠下

二

上議齋使左宗鄂益以漢曹孝娥晉浣紗女宋岳銀
瓶女元王貞婦郭貞烈陳孝女翁氏姊朶那女明楊
孝女秦奴鄭璽妻魏德盛朱道弘妻陳氏秦烈婦顧
氏吳寶秀妻陳烈婦十三人共二十四人并置田六
畝以供祀事御史陳禹謨有記後增祀明包謙妻鄭
氏聞顯宗妻郭氏李子塾妻陳氏字孫登名潘聖姑
顧之球妻薛烈婦呂詢妻居貞娥高瑞妻卽貞婦凌
桂妻張節母李逢春妻聞孝婦林恩妻沈氏凌貞女
淑英李鸞妻陸氏錢賢母杜氏周貞女招姑上並從
觀志各志御史顧鈴有記又東吳孫徐氏元畏吾氏
三女曹處女玉英黃蔡氏馮氏明席吳氏林陳氏毛
沈氏吳王氏鄒張氏張錢氏葛潘氏丁貞娥黃胡氏
李貞姑陸鄒氏蕭唐氏朱楊氏朱吳氏項萬氏陳氏
文婉于氏永壽孔氏妙真勞氏妙祥周氏妙江孫楊
氏陸張氏倪氏金呂氏姚蔣氏高貞娥朱錢氏王鄭
氏何范氏何葉氏朱氏秀蘭朱氏毓秀徐貞女葉氏
妙清徐氏淑順俞氏敬淑陳張氏李沈氏上並從郡
邑志又宋徐元娘文文媛明陳貞女王志清吳孫氏

陳小奴華王氏陳妙善上從郡志林貞女見抄志共
六十六人副使沈文有記 國朝李蔡氏許三姑王
邵氏王四姑楊王氏汪王氏孫楊氏王茹氏顧季縈
計趙氏張汪氏朱姚氏十二人又康熙三十二年學
院鄭增入吳姚氏四十二年學院姜增入王潘氏許
盧氏二人共十四人自晉虞孫氏而下至 國朝通
計百有四人每歲先賢祠額支仁和學租銀五兩女
貞祠額支錢塘學租銀四兩以供春秋二仲祭祀之
費 宋袁韶請建先賢堂奏詞 伏觀乾道中忠定史越
立先賢祠凡會稽先儒高士揭名分享遂為一郡盛
典邇者朝家復賜緡錢葺而新之又金陵因卞壺舊
宅亦取江左諸賢萃為一祠皆所以尊禮名賢昭示
民則之誼杭居吳會為列城冠湖山清麗人傑代生
踵武相望祠祀未建實為闕文仰惟聖神御極萬化
維新飾治以文增光儒道其在首善之地若茲逸禮
可不搜舉而振起之乎臣韶承乏京邑職在宣化昨
以三賢祠宇位置弗稱已更諸爽塏獨先賢祠典未

錢塘縣誌

卷之十三

祠下

三

秩營度有口擇勝良艱近聞南山之北新堤之上居
民有以屋廬園池求售者因捐公帑以酬其直計緡
錢七千有奇嘗躬往相視其地前挹平湖四山環合
夷曠窈深今欲建立祠堂表以臺門翼以廊廡繚以
垣墻通以橋梁鞠為嚴奉先賢之所併欲稽考歷代
史傳及百家之書郡志所載凡忠臣孝子善士名流
有德行節義學問功業足以表世勵俗者詮次事實
誦係贊述勒諸堅珉列置堂中將以旌前哲而淑方
來隆上都觀萬國其於教化實非小補涓日鳩工以
次興建所合具申朝廷乞劄下本府以憑遵守施行
王堅先賢堂記 皇帝嗣位之明年改元寶慶既進賢
望且訪其後而官使之意嚮所形天下風動九月吉
日知臨安府袁公韶言於朝曰聖明御極留神治本
微臣承乏輦轂下將何以宣布上旨為列州率錢塘
為浙右都會名人鉅公前後相整獨未有論次章述
者今將攷此邦人物倣會稽故事鞠為祠宮俾國人
有所矜式庶教道其有補朝廷嘉焉即 報可擇南

山下新堤之上水環其址平湖滿抱林巒映發
靜深為之區畫外堂內室周以廊廡門垣橋徑各當
其置洎辰賦工民以悅從遂採撫郡志旁搜史籍土
下數千載間得全節之士自許箕公而下三十有四
人女婦之以孝烈著者五人輯其生平大槩制贊刻
石列之堂室以代繪像又明年移玉宸宮於其側俾
掌奠潔之事請易其額曰旌德觀今丞相魯公為大
書而揭之既訖工屬墜為記時寶慶三年六月吉旦
記 張鳴鶚表貞祠記 宋創先賢堂合享士女錫額旌
德觀甚盛舉也然禮重別嫌冠
筭按席竊恐貞女羞顏此我朝先正撤去女位識越
前人無容議矣第祀典弗修烏能使女流遍覽知所
做法邪謹使心源左公捐建女祠額曰表貞買田助
祭儀文未備又乞錢塘學租歲額四兩助之與先賢
祠同日同官各陳俎豆幽杳貞魂若雲霧撥而青霄
之共仰也若雷霆鼓而聲聞之畢達也凡在女流向
風慕義共諸先賢比德繁芳豈不盛哉萬曆三十八
年歲在庚戌秋季記。按查舊志有而未入册或册

錢塘縣誌

卷之十三

祠下

四

有而未奉主者今併載後宋袁韶明朱履諸允修諸
燮盧惠潘翊 國朝徐尙介周瞻岷張存仁王一麟
呂蘭盧之頤周德澍周家桂柴紹炳陳麗明顧茂燮
徐復儀汪廷俊李玄暉虞穆徐繼聖繼恩徐偉顧景
祚謝重綸盧必陞表貞祠明凌張氏盧鄭氏字王李
貞婦陸張氏字沈徐貞婦 國朝李項氏沈韓氏章
高氏吳戴氏盧周氏周倪氏沈呂氏張汪氏崔李氏
羅孫氏鍾程氏仲曾氏楊余氏李沈氏謝吳氏沈張
氏徐陳氏程趙氏周沈氏孫徐氏翁王氏孫包氏王
孫氏仲牟氏汪凌氏汪馬氏楊杜氏林曾氏施孫氏
高王氏管楊氏周奚
氏周張氏張王氏

六一泉祠

即黃化寺
詳十四卷

國朝張奇逢六一泉碑亭記

於

廣化以惠勤為主人而得殿蘇二公吾又以六一先
生為主人而得李白諸公而得嚴陸諸公而得楊左
諸公然則志六一者原山水之所自始也不專以六
一也文忠公嘗與僧惠勤遊作詩山中樂三章贈之

以語東坡歷十八年東坡再守錢塘則文忠與勳公已登畫像始有泉出故講堂之後東坡追名六一以不忘公自虞山陳梅臣葺講堂前廡崇祀楊左諸公又構亭層級之上題曰傲而余始蒞事西湖凡先賢在豆盡零落鞠茂草也既葺傲亭更題曰傲傲益文昌祠於再級而興覺覺堂於講堂之左移先覺諸主奉之而前廡則又益以諸賢所未備改額累朝正氣又於西廡移李太守祠之自是西湖故血食無不復舉者卽西湖故缺血食無不並舉者而余因有感焉人之精神與山水無與也而山水因之以長存使無長公抵掌之論則此泉不知屬何氏便雕砌甚麗快遊憇絕而不爲功德所寄興盡則寘之耳而豈知諸公之以類聚同堂而享哉夫人苟得一快心之事後人猶想其色策甚誌其覽歷不衰而况高致絕業隆尤奕世所流慕不能已者產于其鄉則以爲其家之人驪矣不然仕宦流寓於其間亦以其足跡所及爲榮於是木一石流連撫賞比於珍貝曰此猶得從

錢塘縣誌

卷之三

祠下

五

昔之人親承其顧盼而我懸不若也彼遊人倩女何知慕古觸之而敬生愛生則傲以生始於冶眺繼以儀型所謂風百世之下者矣先者若主後至者若客是賢東道所邀皆上賓無平等交豈不爲盛事矣哉余用於名宦六十九人之中益宋韓范三公鄉賢七十三人之中益顏許褚三公猶之乎後至之客亦與西湖一獻或曰無功於濬築何必西湖則小之乎視諸公矣故書院所登豈皆功在兩隄者哉亦庶以六一之亭留諸先正之精神俾後之覽者徬徨於無旣焉耳是爲記順治辛卯孟秋吉旦附錄崇祀先賢

正氣閣 贊白居易宋林逋范仲淹歐陽修蘇軾韓世忠葛岳飛文天祥徐應鑣明方孝儒于謙楊璉高攀龍左光斗周起元繆昌期丁乾學魏大中袁化中蘭剛中周宗建萬璟周順昌周朝瑞李應昇夏嘉遇黃尊素顧大章劉鐸倪元璐范景文孟兆祥李邦華凌義渠馬世奇衛景瑗劉理順汪偉王家彥吳麟徵周鳳翔施邦耀朱之馮蔡懋德王章陳良謨陳潛夫

葛寅亮顧成建吳爾勳陸培金鉉申佳胤孟章明劉
熙祚吳甘來許直劉宗周陳純德成德附馬如蛟邵
經邦馬阶郎斗余
高威臨阡王萬鑑

先覺堂

宋趙忬王十朋呂祖謙楊時張九成楊簡明
王翥宋濂章懋王守仁李旻陳選盧吳茅坤
陳善劉一崑楊廷筠王思任凌立盧章李元暉之藻
茅瓚聞啟祥啟禎嚴調御武順洪瞻祖徐尙勳陳調
元國朝張奇逢虞鈞俞時篤吳鏞陸圻汪廷
俊陳麗明廷會孫浣思胡介徐復儀張右民

王鵬六一祠崇祀祭典碑文

蓋國家制禮莫重於祀
典自郊壇宗廟社稷山

川洎先聖先賢凡以崇德報功追遠返始更及定國
勤事恤災捍患法施之流忠義功業文章理學隱逸
之士自學校鄉賢名宦祠外或由朝廷賜額或由郡
邑創建其人皆是振動流俗佑啟後人奕世下聞風
典起乃崇祀之用以植綱常扶名教亦世道人心之
大關也凡無愧于前賢往哲者皆得與於祠而勤其

丹雘時其薦享則榷榘几筵迺與山川同其悠久矣
勝國末年奄豎亂政揚左諸公皆抗節以歿虞山陳
公梅臣督南新權政撫時事而心傷悼忠魂而情黯
乃於西湖六一泉亭遺址構閣以祀蓋一時之感情
寄以抒其憑吊故人不必要產於杭仕不必宦於浙皆
爲之主而奉之祠推斯志也卽合千古名賢而祀之
可也初陸公祠左有先覺堂或以祀烈士忠臣或以
祀名儒師相凡以發潛德之幽光補朝廷祀典所未
及自漢唐來諸高賢及甲申殉難諸公皆列于祠歲
月深風雨剝蝕且春秋迭代薦享寂寥亦典禮之缺
然者歲戊辰巡撫金公棟存檄葺之而廟貌復新歲
已巳吳閩金君君選來督權政議令在祠後裔捐田
爲兩堂春秋祭用金君上其事于余余檄錢塘邑令
酌定比紫陽文公祠例因博採輿論表揚遺烈勝國
遺忠自黃公道周神公彪佳黃公淳耀文公南英而
下理學自盧公復雍襄陳公肇而下國朝忠烈自
大中丞朱公昌胤范公承謨僉憲陳公丹赤僉事徐
公尙介少參葉公映樞而下功業自大司空朱公之

錫少司農嚴公沅少司馬徐公旭齡而下理學自用
君拱宸應君偽謙張君元呂君晉良而下著述自慮
君之願章君國佐士斐柴君紹炳陳君祚明晉明而
下隱逸自張君嵩徐君繼聖金君堡而下分祀兩堂
自此蒸嘗不忒靈棲神格永托湖山詎不盛歟且使
入廟而懷則傲拜手而切儀型皆有忠臣孝子之思
道德文章之業以為勸懲以示鼓勵其有關於名教
綱常為世道人心所藉非淺鮮也康熙二十八年己
巳孟秋吉旦浙閩總督今陞大司農王騰人岳氏記
附並時崇祀兩堂文內而下諸賢正氣閣王道焜陳
子龍姚奇胤吳聞禮黃端伯夏允彝林日端陳士奇
楊廷樞張延登陳龍正錢楞先覺堂張蔚然嚴敕凌
登瀛登名吳太冲許豸錢喜起李流芳凌萃徵王至
健茅起龍徐繼恩陳曾篁陸繁昭陸嘉淑吳震衛
遺愛堂 中座奉 國朝李之芳王國安金鉉王騰趙
士麟馬如龍崔爾仰周清原顏光燾高熊徵
左堂附祀鄉賢胡亶顧豹文嚴曾榘徐湖汪霖盧琦
趙廷標汪澄虞穆郎廷泰章戡功陳曾毅陳張相又

錢塘縣誌

卷之十三

祠下

七

右堂祀孝子義士徐修陳季方王佑賢盧必陞方擢
撥正氣閣始自故明南權陳公諱調元先覺堂始自
國朝杭郡太守張公諱奇逢時有祠無祀大司農
王公總督 允南權金公諱秉掄請典祭典諭兩
堂後裔章藻功 祠元石郎枚盧楚陳念弘等捐資置
田供春秋 祭屆期郡守檄儒學行禮祀田委守
僧職管後裔漸皆遠出歲久弊生致多侵蝕惟錢塘
縣定北四圍浦坑豆田四畝餘杭縣山前壩田蕩二
十畝段落分明可考餘杭田畝半被僧曉臺典質錢
塘田佃戶張天鳳挾勢侵吞雖府檄無虛歲僧曉法
視若具文祭典久不行迨後嗣徐兆琦盧楚汪天柄
等以次歸里協同吳甲偉王溥汪德燦陳繩等聲鳴
兩縣山前壩田畝之被僧典質者復捐資取贖浦坑
豆田畝之盜吞于張天鳳者已經究理先是徐兆琦
等追念本源凡仕浙之功德在人者共捐資別建遺
愛堂奉相國李公之芳等十餘人左右兩堂分列鄉
賢及孝義之士三堂並祀又念祀典肇始金公秉掄
公相國文通孫併附祀文通公子遺愛之左堂徐兆

琦等復連名公籲學憲馬請撥學租供祭已准給
十二兩兩噸適重來此喜祀典有成又恐久忘祈自因
補錄其詞詳批以附于末具呈紳士徐兆琦等無功
盧楚吳甲偉汪天柄王溥汪德燦凌瀛李庚星陳念
衍徐之麟嚴熾陳繩方光燦等呈為祠宇重光明禮
未備公籲憲慈永垂祀典事蒙批杭州府查報府行
縣查議得西湖六一泉內建正氣閣先覺堂遺愛
堂乃崇祀名宦先哲祠也春秋二仲分祀致享第查
祀田僅存二十四畝歲入租米除正賦修葺外餘無
幾不敷二祭紳士徐兆琦等具呈學憲批送憲臺轉
批縣查遵即取有田冊及祭費情由是每歲每堂每
祭應各酌撥二金共給銀十二兩兩府詳查看得西湖
六一泉祠祠中堂宇有三一曰正氣閣祀古來之忠
烈一曰先覺堂供理學文章之碩彥一曰遺愛堂續
奉本朝名宦鄉賢及孝義之士奈三堂二祭不敷
紳士徐兆琦等具呈憲轅請動學租奉批查報就經
轉行錢塘縣據尚令議稱合行詳請批奪院批名賢
俎豆理合優崇該府轉飭錢塘縣于學租內自六十

錢塘縣誌

卷之十三

祠下

八

一年起每年撥銀十二兩以供祭品及修葺等費准
解院時扣銷仍嚴飭該僧毋許侵飽田租繳冊存又
附實在田畝地面段落一錢塘縣定北四圖浦坑豆
水田四畝係夏曠賣出佃戶張天鳳於五十六年盜
蝕至今現奉憲遣歸祠歲除正供外包納租米貳石
肆斗一田蕩共貳拾畝坐落餘杭山前一圖山前壩
計貳段向被寺僧曉臺典質租米無收今曉臺已申
明逐去不論徐兆琦等復捐資贖回存寺以供歲修
名賢祠 在孤山祀漢嚴光唐陸贄宋林逋趙抃王十朋
呂祖謙張九成楊簡明宋濂王琦章懋陳選
忠節祠 在寶月山祀吳伍員唐褚遂良宋岳飛明于謙
弘治十年巡鹽御史姚壽建忠節坊於今祠右
歲久址為有力者佔據嘉靖十六年岳氏于氏洎諸
生翁相張乾元等自巡按周汝員復其地建今祠十
七年巡按傅鳳翔飭有司歲祀隆慶元年巡按王得
春改祀於報功祠萬曆三年巡按吳從憲仍復故祠
四賢祠 在孤山上祀唐李泌白居易宋林逋蘇軾先是
唐杭州人祀自文公於竹閣後即廣化寺以祀至

永曾林蘇二公因名三賢堂紹興間因建四聖延祥
觀府尹周淙徙寄蘇堤水仙王廟庶後尹袁詔徙建
廢花塢元廉訪使徐琰祀於西湖書院明天順間知
府胡濬復建今處成化十一年布政憲良杜謙增建
仰高亭巢居閣正德元年知府楊孟瑛增祀李鄴侯
再易今名曰四賢祠歲以春秋祀瑛自為記後又增
祀明周新薛應旂王世貞名七賢祠旋廢
仍舊名 國朝康熙年間燬於火重建 明楊孟瑛

四賢祠記

孟瑛守杭郡三年於今屬邑仁海游以旱
告事聞於朝得復開西湖還往孤山見三

賢祠棟撓梁壞懼神之不棲而羞史之不恭也竊惟
逋仙風節山崇湖深名教攸繫白文公蘇東坡皆杭
賢守石函一封時泄時鍾葑洲既闢千頃一碧兩邑
之田殘溝斷洫莫匪遺澤民到於今賴之堂庶勿飾
矜蠻弗嚴何以格神明昭崇報耶又惟唐鄴侯李公
泌亦嘗刺是邦穿六井引湖波民始不食鹹苦雖功
不在湖而以湖為功與白公蘇公埒曷作新廟合而
祀之更稱四賢神之靈人之情協順助信而杭民亦

錢塘縣誌

卷之十三

祠下

三

永有依歸矣遂具其事白於鎮守麥公劉公巡按車
公程公張公暨藩臬諸公乃發餘帑鼎作之且藉廢
寺田池六十畝昇守者供歲事是役以三月八日肇
事六閱月訖功孟瑛率僚屬諸生禱奠祠下賦迎送
神詞二章禮成因叙作祠始末為文刻之石 明屠隆
并書二詞以遺杭人使歌以祀四君子云

詩

瑟瑟青松落日懸磷磷白石枕清泉平湖窈窕初
開地太守風流出牧年草色能銷遊女襪荷花開

上釣魚船祇今寂寞湖
邊宿一片鳧鷖下夕烟

表忠祠

即表忠觀在湧金門外祀五代吳越武肅王錢
鏐鏐子文穆王元瓘瓘子忠獻王弘佐忠遜王

弘侖忠懿王弘倬先是弘倬入宋納土留汴杭久乏
祀熙寧十年知杭州趙抃請於朝以龍山廢妙因院
改建為祠賜額曰表忠觀詳蘇軾碑記傍為文穆忠
獻兩王墓有文穆王廟即武功堂紹興間八世孫端
禮以使相蒞杭重葺時賜第于台往來祠祀不絕至
元毀於兵燹明正德初按察僉事許讚從裔孫彪請

清墓耐祠勝相寺嘉靖三十九年總督都御史胡宗憲巡按御史周斯盛布政胡堯臣按察胡松提學范惟一暨郡邑守令從三學諸生公額以廢靈芝寺改建為祠即今處寺蓋王故苑前臨湖濱後薄城闈進石坊折而為橋又石坊為門有東坡書表忠觀石刻碑亭十九世孫刑部郎德洪立郡守陳柯為記正字奉五王像有新建伯王守仁書順天者存扁後為慶系堂立石碑三左右神版二中碑刻受姓大宗譜圖左碑刻台宗慶系譜圖右碑刻續慶系各支始遷譜圖神版列王後顯名史册及登科第者二十一世孫儀部郎華有記左為彭祖像通政呂東滙太僕史玉陽建裔孫德洪為記後并耐德洪像右為齋宿所前後各有廣池繚以周垣明末漸圯崇禎年裔孫簡討國本受益等請憲申約迨後歲久祠益傾毀且近禁旅駐防之所展祀維艱裔孫紳士士璋受祺等復請憲飭葺祀會都使熊飛重為興修仍歲以春秋額支官師致祭康熙四十四年乙酉春

錢塘縣誌

卷之十三

祠下

沈

聖駕南巡特賜御書保障江山額二十六世孫孝廉中翰

景領頌同族裔諸生俊偉等恭摹巡撫都御史張泰交知府張恕可懸建四十六年春景復隨父知縣彥雋暨合族紳士嘉祉彥昭等郊迎謝恩召景奏對興修五十五年合郡紳士程希畏邵秉周鈺等復同裔孫景兆琮有珪晟光等公額總督部院滿公保巡撫都御史徐公元慶布政段公志熙署臬嵯使黃公炳首倡捐修知府張八為政本縣魏督葺會同仁邑詳請五十六年巡撫都御史朱公軾復檄藩憲錢邑協議重建又錢塘門北亦有武肅王廟近菩提院見西湖志武林門普慧院亦有王祠裔孫有珪等重葺院即王建方家峪寶藏寺亦有王廟
前為烏龍井具見咸淳志及夢梁錄
宋蘇軾表忠觀碑文熙寧十年十月戊子資政殿大學士右諫議大夫知杭州軍事臣抃言故吳越國王錢氏墳廟及其父祖妃夫人子孫之墳在錢塘者二十有六在臨安者十有一皆蕪廢不治父老過之有流涕者謹按故武肅王鏐始以鄉兵破走黃巢名聞江淮復以八都兵討劉漢宏并越州以奉董昌而自居於杭

昌以越叛則誅昌而并越盡有浙東西之地傳其子
文穆王元瓘至其孫忠獻王弘佐遂破李景兵取福
州而弘佐之弟忠懿王弘俶又大出兵攻景以迎周
世宗之師其後卽以國入覲三世四王與五代相終
始天下大亂豪傑蜂起方是時以數州之地盜名宇
者不可勝數旣覆其族延及於無辜之民罔有孑遺
而吳越地方千里帶甲十萬鑄山煮海象犀珠玉之
富甲於天下然終不失臣節貢獻相望於道是以其
民至於老死不識兵革四時嬉遊歌舞之聲相聞至
於今不廢其有德於斯民甚厚皇宋受命四方僭亂
以次削平西蜀江南負其險遠兵至城下方屈勢窮
然後束手而河東劉氏百戰守死以抗王師積骸爲
城醜血爲池竭天下之力僅乃克之獨吳越不待告
命封府庫籍郡縣請吏於朝視去其國如去傳舍其
有功於朝廷甚大昔竇融以太牢今錢氏功德殆過於
融而未及百年墳廟不治行道傷嗟甚非所以勸獎
忠臣慰答民心之義也臣願以龍山廢佛祠曰妙因

錢塘縣誌

卷之十三

祠下

十

院者爲觀使錢氏之孫爲道士曰自然者居之凡墳
廟之在錢塘者以付自然其在臨安者以付其縣之
淨土寺僧曰道微歲各度其徒一人使世掌之藉其
地之所入以時修其祠宇封植其草木有不治者縣
令丞察之甚者易其人庶幾永終不墜以稱朝廷待
錢氏之意臣抃昧死以聞制曰可其妙因院改賜名
曰表忠觀銘曰天目之山茗水出焉龍飛鳳舞萃於
臨安篤生異人絕類離羣奮挺大呼從者如雲仰天
視江月星海濛強弩射潮江海爲東殺宏誅昌奄有
吳越金券下冊虎符龍節大城其居包絡山川左江
右湖控引島巒歲時歸休以晏父老擘如神人玉帶
裘馬四十年寅畏小心厥篚相望大貝南金五朝
昏亂罔堪託國三王相承以待有德旣獲所歸弗謀
弗咨先王之志我維行之天祚忠孝世有爵邑允文
允武子孫千億帝謂守臣治其祠墳母俾樵牧愧其
後昆龍山之陽巍焉故宮匪私於錢維以勸忠非忠
無君非孝無親凡明陳柯錢王祠記予少讀蘇子瞻
百有位視此刻文表忠觀碑乃慨

錢氏於吳越之民其德厚矣當羣盜倡禍中原十國之君各拓疆宇以自據其為民之心豈未辨也及中原既定隨時納款天命既一籍土歸王其心不忍殺戮其民挈之水火之中使嬉遊於富完安樂之鄉且時歷百年位傳三世而終始之心如出一人其視諸國僭據以抗王師糜爛其民而不顧者其為德何如也始予謬守茲土先是倭夷孔棘督撫梅林胡公等改祠於靈芝寺寺蓋王故苑也幸翁然同心用襄厥成予又病東坡手碑殘剝為易石摹刻之以置諸新祠使謁王者讀茲文以思王德庶幾斯祠斯文相與傳世千百

鄧原岳詩 一畝芳祠即故丘越王香火此於無窮也

湖頭水犀獨擁三千卒裘馬橫行十四州盡棟秋風栖鳥雀青巒夜雨泣

徐焞詩 越松楸英魂不散封疆異山下寒泉空自流

祠宇枕平湖猶有遺民說故都魚鱗蝕苔封玉印蝸涎銜土篆金鋪霜寒一劍留吳氣月照孤城冷霸圖

欲剔殘碑徵往事

陳子龍詩 草草羣雄事紛紛割據古文零落斷龜趺

年斗牛占王氣屠販出

錢塘縣誌

卷之十三

祠下

工

豪賢地屈孫劉勢形支江海邊爪牙多健勇參佐集神仙本奉中原朔時分屬國天錦城開邸第大木擁旌旄受冊三樓下歌風駟馬前自從納土後終見舉宗遷青蓋方朝洛丹書改賜田金輿何日去玉椀不曾還守墓新恩重荒祠舊德傳冕旒皆壯麗子姓侍綿聯晚樹騰廳鼠垂簷響杜鵑崇功銘版碣遺恨滿山川異代還祠廟當年入管絃竇融應貴寵張軌共周旋錫禮何妨盛玉侯豈易捐誰言脫屣便不見誓書堅宋室諸陵

黃九鼎詩 滄海波無際湖頭水自平在南枝倘可憐

眼看今赤子歌舞有餘情

國朝姜圖南詩

朱門玉殿盡蓬蒿誰念當時保障勞露濕殘碑蒼蘚積鴉啼古木白

雲高一江王氣侵吳斗萬弩軍聲射越

梁允植詩 老

濤回首荒祠成感慨漁歌此地滿吾曹

荒祠敞夕暉射湖事業嘆全非百年閩越開王會一

旅江湖起布衣入座水光還泛泛當窻柳色自依依

只今伏臘留香火

曹元方詩 玉簡金書數霸朝崢嶸

惟有雲山貢翠微

五代白雲霄曾提義旅

軍威壯獨控神州戰伐消朱邸風雲勤將帥碧城吳
霜露感漁樵錦衣功業丹青在無數啼鴉叫落潮吳

農祥詞 調永遇樂霎眼錢塘評誰堪稱天生英傑戲
遂兒郎追隨父老立割東西浙河山北拱冕

旒南顧幾葉驚龍猶蟄想當年中原無主贏得一時
人物高車駟馬故鄉富貴占取王封吳越五代風塵

百年氣象看盡羣雄滅山靈何在海神猶畏毛先舒
不敢輕過潮汐漫細數閒花衰草暗傷亡國

詩 暇日同人集相將問水濱射潮迴鐵騎傳國幾朱
輪廟貌留軒冕殘碑護鬼神懷哉古遺烈憑弔共

沾 王緯詩 保障東南十四州真王雄畧擁貔貅錦圍
巾樹石青山壯弩射江湖白馬愁納土深恩

全萬姓靈祠遺愛足千秋龍章姚之駟詩 武肅揚雄
璀璨輝湖水不獨坡仙寶墨留

山嶂納土戢兵戈德澤今難忘冕旒遺像尊宮闕于
秋壯長公擘窠書聶屨屹相向剔蘚一洛誦文體元

非剗妄作墨稀譏健仍怒猊狀鳳山黍離離表忠獨
無恙開扇延湖光崇簷接柳浪龍章更崔嵬江山藉

錢塘縣誌

卷之十三

祠下

三

保障

旌功祠

在三台山祀明少保兵部尙書于謙成化二年
遣行人馬駿諭祭弘治三年訓導儲愆禮科給

事中孫孺謙于府尹冕先後陳請七年賜謚肅愍建
祠墓所賜額旌功汀州知府海鹽張寧為記嘉靖十

六年巡按御史周汝員屬錢塘知縣李念新之嗣是
而巡按御史傅鳳翔閩隣王紳巡鹽御史高對相繼

協修提學副使張鏊為記萬曆三十年改謚忠肅論
祭葬祠明末漸圯國朝順治間興修仍令春秋致

祭康熙三十一年知府李鐸重建鐸自為記墓在祠
左成化初奉敕管建詳見墳墓又城內有憐忠祠亦

祀忠肅公者 明張寧祠記畧 皇上繼元弘治之初仰
附紀于後 體先朝德意俯從致仕

應天府府尹于冕所請贈故少保兼兵部尙書于謙
特進光祿大夫柱國太傅賜謚肅愍表祠曰旌功命

有司春秋致祭念公平生憂勤中外遺置身家已已
之變誓死殉國守經行禮無弗濟揆其要切莫重

于掖留監國片沮南遷應散芻糧開關出敵決迂回
鑿鑿絕和議計徙高口不授虛報入者皆當時樞機
謝鍵一得失則廢興所繫少遲速則安危相倚惟公
材器絕倫識度超越隱然以大司馬兼統五鄉之務
動無牽制處斷如流用是坐却強敵奠安社稷及邊
境解嚴六職仍舊更張定各有所專屬而所司類以
僉謀遂事托公鎮重不知者固宜責備于公公亦未
嘗自辯顧以久總兵柄監往虞來過于嚴峻一時貪
功習矯如石亨徐有貞輩恣睢積怒甘心于公者殆
非一人公亦未嘗自惜夫責不辯則疑謗易乘怨不
恤則禍難陰蓄卒至投變于安動險于順媒孽附會
誣公欲立外藩構陷殊死而公舉止安詳畧無一言
申解蓋自任患以來常奉懸宋丞相文山畫像於卧
所其志念明遠操履堅定雖萬不幸當亦無所移奪
矣未幾亨輩脅權肆奸竄殛相踵天道好還刑賞類
應而公之忠枉夙荷知憐者今皆顯被褒恤一命而
復官再命而賜祀三命而有易名贈秩建祠專祀之
典意肇于英皇事舉于憲聖恩廣于皇上于崇德報

錢塘縣誌

卷之十三

祠下

三

功之聞見繼志述事之大非特一家之慶幸也寧故
曰于古一時百世一人宜府尹君服膺兢惕汲汲圖
永以俟首丘於祠墓之

國朝李鐸重修祠墓記

有

當正統之間王振弄權國祚傾覆中外無主人心洶
洶當此時幸則為東晉南宋不幸則竟以覆亡懷愍
徽欽之事且立至矣忠肅公以一命文臣定大策建
大議謀謨廟堂決勝千里使挾君者不得肆其求間
謀者不得乘其隙人心已去而復固社稷已亡而不
亡使非其精誠足以格天地忠義足以激三軍吾恐
智名勇功之士未有不當之而色沮者也惟公以扶
危定傾之才濟其鞠躬盡瘁之節决然以社稷為重
君為輕是以能弘濟艱難中興家國安九廟之神靈
拯萬民於塗炭抑南遷之妄議則靖康之禍息矣練
京師之甲兵則根本之地固矣散通倉之積粟則糧
不齎於敵矣誅逆闖以安衆心起夙將以治軍旅而
皇皇京邑屹若泰山矣使之進無所求退無所得挾
天子如挾一夫而邀求之望絕矣然後鑾輿得歸邦

家再造在公之心固生可以享不世之榮死可以瞑
九泉之目矣厥後兩宮之間調停備至而章疏輒留
中不發公固無如何也為公者豈不能一死以諫而
又懼彰君之惡故屢疏乞休卒之石亨徐有貞等賣
公以求功此所謂小人之尤必害君子而後快也暨
乎公以寃死而陰霾翳天感動蒼昊號泣士民西湖
水潤哲人其萎在公之心惟知社稷豈知有身死難
死寃皆所不計固不知有雪寃賜爵建廟立祠之一
日也迨其後玉音褒祭有先帝已知其枉而朕心實
憐其忠之言則知生榮死哀不特萬世之人心慕之
而已蔽之君心亦能悟之也杭城素多忠節若陸宣
公許忠烈輩未易更僕數而于墓于祠獨能與岳墓
岳祠並烈予也既新岳王之祠墓復為繕治于公之
祠墓誠以嚮往之深故不辭經營之力後之人與我
同志繼而新之庶幾
明邵寶詩 祠前春霧隱緋袍隔
其永于不朽也哉 岸松聲應海濤伯紀
空勤恢復計子儀還重廓清勞我陳薄奠聊三獻誰
作長歌當一號西望岳墳纔數里白雲湖上兩峯高

錢塘縣誌

卷之十三

祠下

西

傅瀚詩

畫舫西湖午不移偶來祠下見風儀功高社稷危疑地恩重春秋享祀時遺像比生猶有

氣前因欲說便成悲傳芳賴有賢京兆風木凄然起孝思

朱長春詩

庶殿南屏下陰陰少保祠

孤忠荒隴在萬木夜風吹假夢留齊宿招魂有賦詩從來感憤意拜罷不勝悲

黃淳耀詩

澗

非禍宋代邸本安劉力竭山河在功成骨肉憂草銜寃血碧江挾怒潮流雪涕荒祠下乾坤正可愁

國朝梁允植詩

少保祠堂傍水濱雙峯勁節石嶙峋千秋爭拜麒麟塚一代真為社稷臣

落日悲風啼燕雀中宵涼露泣松筠奪門將相終燐火廟食終看俎豆新

蔣芑詩

曉哭六師鐵土

木夕傳萬騎薄都城從容坐折南遷議慷慨長驅北伐兵玉輦何勞輸幣返金符翻借奪門名河山手造

無遺恨鼎鑊顧豹文詩

諸生風骨已權奇宰柁他年識救時片紙雷霆馳萬里孤

臣甘答太平臣痛哭奠京師君民禍亂身難委宗社安危帝自知此舉無名元老死空貽厚表繫哀辭

張右民

詩 驚傳萬乘陷輪轅倉猝徒聞朝野喧直撥風霞開日月重扶板蕩定乾坤奪門奸黨邀封爵定國忠

臣坐死論夜靜竟來庭 毛先舒詩 何處乾坤大難容殿裡空山鶴唳月黃昏

外遺廟大湖濱日黑聞啼鬼山空少過人草依孤塚綠花傍野祠春竹帛垂來遠精靈沒後伸南屏一片

石愁對 張綱孫詩 天王北狩無忠肅社稷安危不可岳王神 論每憶往時成浩歎可憐遺像此

空存蒼苔細雨侵碑字白日寒烟滿墓 王緯詩 當年門牧豎樵夫誰禁汝夜深松火又黃昏

稷功大有誰論兵識團營練官惟司馬真奪門 扶社誇策士裂袖失忠臣埋血應成碧魏祠聖水濱

憐忠祠 在太平坊南新街亦祀太傅 于謙大理鄉夏時正有記

張烈文侯祠 在東山街口祀宋烈文侯張憲即憲墓所 憲以景定二年封侯爵元總管夏思忠立

石表墓尋廢明正德十二年布衣王天祐發地得碣十五年請於布政何天衢按察梁材遂白巡按御史

錢塘縣誌 卷之十三 祠下 五

張縉提學劉瑞檄知府留志淑特始建祠新安唐 臯為記明末圯 國朝巡撫范公即址倡興重建 明

唐臯祠記 畧曰侯蜀之閬州人武穆愛將或曰其婿 也驍勇絕倫從武穆為部將武穆信任之

每戰與其子雲率先諸將而侯之立功視諸將獨多 若破曹成擒郝正平荆襄復隨鄧鞅臨穎皆有奇捷

以功授閬州觀察使御前軍統制宣撫司副都統郾 城之役屢戰皆捷金人奪氣中原大振進軍朱仙鎮

去汴京四十五里刻期恢復而賊檜倡和矯詔班師 又與張俊謀陷武穆遣使捕飛父子就大理獄執憲

于鎮江榜掠無完膚卒無可証者歲終獄不成檜以 手書付吏即武穆死侯與雲等皆遇害嗚呼冤哉

武穆死與子 葬棲霞嶺下侯墓與祠俱在棲霞 西去武穆不遠 步許地曰東山屏口檜死冤白武

穆既追封贈謚 祠墓側賜額秩祀侯亦謚烈文里 人立祠祀之而墓 荒穢莫為修治元杭州路總管

夏思忠嘗立石標識其處歷歲滋久漫無可考迄今 百數十年正德丁丑布衣王天祐過棲霞嶺東山屏

草莽中見斷碑題曰宋張烈文侯墓白諸蕭泉諸公
乃檄杭州府知府留公志淑躬履墓所悉復其地之
侵于豪右者起斷碑之仆于草莽者繚以周匝為門
而為鑄之復創廟宇外為門屋四楹中為堂四楹後
為寢堂六楹為廊以翼之左右各七楹
又樹石坊于通衢榜曰宋張烈文侯祠

胡忠祠

在忠烈廟神宇之西祀宋施全劉允升全殿司
小校也憤檜手刺之不遂磔於市允升建州布

衣也聞岳武穆被逮詣關上書訟其冤檜大怒下棘
寺論死邦人因並祀之每祭武穆王畢致祭弘治二
年工部王事莆田林沂建祠四年按察使楊俊副使
吳伯通等重拓題額曰胡忠獄卒隗順痛武穆冤死
負屍潛瘞後孝宗購求救葬褒封皆順之功久未
彰萬曆三十年布政范涑從郡人高應科請祀于
祠工部主事明施浚明祠記畧曰忠武以精忠構奇
施浚明有記禍千古冤之錫謚胡祠
自宋迄今有加無已祠間子女部曲多以從死得祀
其傍為胡忠祠建州布衣以訟冤死得祀殿前小校

錢塘縣誌

卷之十三

祠下

六

以刺奸死得祀蓋權奸橫則怒及餘胥公論昭則愛
及屋烏有以哉獨南枝巋然非衣冠藏也窳偷哆舌
片紙一飛將星立墮後來者購求遺骼不在棘寺而
在叢祠九曲間玉環雙橘宛然觀記俾忠魂有憑伊
誰力耶乃曾莫有過而問之者是忠武抱痛于生前
而魄生理照于身後也名在郡乘祀在陽羨配食於
翼忠之祠也固宜

昌文侯祠

在府儒學為本學土地神為徐文慶宋岳武
穆王部將有戰功孝宗理武穆冤褒崇及其

部將遂賜為昌文侯牒克太學土神
後改為郡學仍奉以祠春秋致祭

忠孝祠

在岳武穆王廟胡忠祠右祀武穆長子繼忠侯
岳雲嫡孫鄴侯岳珂明萬曆三十五年推官胡

來朝從高應科議胡祠特祀工部主事李養質為記
二十六年參政陳邦瞻以王女銀瓶張子附像致祭

明李養質祠記

畧曰岳武穆王忠烈祠史冊昭日星
遍究豫虞楚吳越之間相與特廟而

祠乃為序
次如右

祖豆之春秋不絕獨其冢子繼忠侯雲其事多矣
無專祀迄今缺然按傳記侯名雲字會鄉年十二即
借張憲討金鹵先登陷陣軍中號曰贏官人弱冠能
操八十斤槌左右手運萬夫辟易老將不能過從王
誓師渡江收復襄漢蔡州河南諸郡大破楊么於洞
庭數立奇功王不以為功張浚陰上其事得授武功
大夫王立辭以特旨遷三資累表不受郟城之捷侯
以騎兵直貫其陣戰幾數十合身被百餘鎗鹵屍布
野兀術復合師十二萬侵潁昌侯及王貴又大敗之
金人大恐中原大振以功遷忠州防禦使王又辭蓋
侯知有君父而不知有身王知有祖宗社稷之恥而
不知有子之功其時自燕以南金人號令不行誰之
力耶乃為賊臣所忌傳會成獄以死莫須有三字何
以服天下而高宗不之問也嗚呼余讀傳記至此未
嘗不泣然涕洟為之飲恨間行謁侯像稟稟有生氣
侯固岳之孝子宋之忠臣法宜專祀而僅附廟食余
為憮然會司理胡君從義士高應科請出俸以王廟
右齋更創祠祀侯以王嫡孫鄴侯珂附焉額曰忠孝

忠節祠

在筆架山方家峪祀宋太學生贈秘閣修撰謚

十一年參政梁材奏請建祠有司春秋致祭材自為
記萬曆四年知縣姜召訓導黃金榮以祠宇頽圯請

於左布政使王應顯右布政使張任撤廢祠邑人傳
緝捨地四畝展舊基改建大學士餘姚呂本為記

明梁材祠記

正德辛未冬十一月材守杭州越三載
攷績天官適吳中舍汝美過訪曰宋有

死節者葬于西湖之滸正德元年丙寅秋七月今上
撰有祭文賜有祠額十餘年來勿克修舉及問其姓

氏則忠節徐先生號巨翁諱應鑣當宋德祐三年憤
宋之亡攜其子女同死于井又十年其同舍生劉汝

筠等收葬于錢塘方家峪之里又二百餘年至我孝
宗敬皇帝始議建祠致祭之典又自弘治乙丑迄今

正德丙子上下相承十有二年始克有就嗚呼天下
之事固或有待而為而忠義一脈浩然長在誠所謂

在天爲星辰在地爲河嶽幽則爲鬼神而明則復爲人者其間旣顯或晦幾絕復續前後三二百年抑豈偶然之故也嘗觀方家峪前橫西湖左右與後山勢環匝民間作壙鮮有隙地而巨翁一抔之士繫然獨存且北有岳忠烈南有于忠肅德不孤立居必有隣英雄豪傑氣類相感生順死安蓋有不約而同者由是鼎峙三祠血食千古則湖山增重而精爽如生過其祠者忠義之心可以油然而生矣明呂本記錢塘忠節祠祀宋太學生贈秘閣修撰諡忠節江山徐公應鑣及其子琦崧女元娘者也公墓在方家峪向未有祀之者建祠賜額有司春秋致祭則自我明弘治乙丑始正德丙子梁公材聿建祠宇迨今萬曆丙子又六十年矣錢塘令姜君召亟圖葺治先是祠僻在山岫乃遷于前若干步約地四畝有奇中爲堂三間祀忠節兩廡各三間祀公子若女門三間周繚以垣肇事于歲之二月夏五月功竣址旣爽塏廟復崇巖英風義氣凜凜猶生也追惟元兵壓境三官北轅維時擁旄握樞之臣匍匐左袵巨翁太學生

錢塘縣志

卷之十三

祠下

六

耳無一命之榮無專城之寄乃毅然不辱盟諸武穆欲闔門自焚其僕救而出之乃其心則以爲居王之土食王之祿主辱臣死之義確乎其不可易遂率其子女俱死井中是誠得死所矣嗚呼忠義之在人心豈得泯哉

朱行人祠

在九里松祀宋行人朱弁公新安人徽國文公從祖也南渡建炎元年副王倫使金拘留

十七年仗節不屈和議成放歸卒葬仙芝嶺下墓今廢明萬曆三十八年提學僉事陳大綬從高應科議建祠華容孫穀爲記歲以春秋致祭後久廢國朝知府馬如龍詳復額支錢塘學租銀五兩致祭明

孫穀朱行人祠記

宋秘閣朱公諱弁字子章婺源人副王倫使金留鹵中十七年濱死

者屢矣及議和當遣一人受書還倫欲與探策決去留公不可曰吾分死豈應覲幸先歸須正使倫受書歸公持使印卧起與俱鹵迫公仕劉豫公曰豫國賊畏不食其肉吾有死耳金人怒絕其饋公拒門待盡

齒為感動致禮如初復欲易其官亦以死自誓乃其
酒召被掠士夫飲牛醋曰一旦畢命報國諸公幸瘞
我某寺傍題其上曰宋通問副使朱公之墓我幸矣
眾皆泣下莫能仰視公談笑自若及粘沒喝死密疏
金虛實以聞送徽廟大行哀辭有曰嘆馬角之未生
冤消雪窖攀龍髯而莫逮淚灑冰天高宗讀之感泣
官其親屬後以和議成與洪皓張邵俱歸入謁勸高
宗以乘時圖厥終帝善之為檜所忌僅易宣教郎直
秘閣卒葬錢塘九里松仙芝嶺下浮梁陳公大綬來
督兩浙學表章忠義揚剔幽沉會部民高應科請以
公祠代墓教曰可卜地普福寺北天醫院左構
祠會公歸浮梁不佞代庖虎林伐石記其事 陳大
綬詩 節旄落盡不知春忠悃堪追屬國塵馬角未生
死艱危豈顧身若使論功 孫穀詩 二帝無消息先生
同漢史也應黃閣畫麒麟 淚忍揮不慚瀕死
餓猶恨議和歸麟閣形甘沒牛眠 蘇卿使節
是處非悲愴十七載俎豆倍沾衣 向杰詩 已多年朔

錢塘縣志

卷之十三

祠下

左

漠風高鬢皓然二帝無蒐歸魏闕孤臣有淚洒冰天
傾葵白日心常赤橫草黃沙志亦堅遺像一龕榮俎
豆芳名應與鄂侯傳

洪忠宣公祠

在葛嶺祀宋太師洪皓建炎初使金不屈
貶冷山十五年放歸賜第西湖葛嶺遂建

祠焉理宗時毛淑妃葬其傍改為寺明嘉靖四十一年
總督胡宗憲因三學生員陳道蔣岑等具呈清復
改祠題請折田三頃歲時致祀王世貞有記 國初
祠圯今遺址猶存裔孫清塵呈請各憲復為清理

褒忠祠

在縣儒學東改清軍公館為之祀明建文時死
事諸臣翰林院修撰王叔英文學博士方孝孺

江西副使程本立副都御史陳性善太常寺少卿盧
原質左拾遺戴德葵都給事中龔泰戶部侍郎卓敬
盧迥谷府長史劉璟蕭縣知縣鄭恕東平州吏民鄭
華監察御史鄭公智陝西僉事林嘉猷萬曆二年巡
按御史蕭廩奉詔祀祠 明呂本祠記 皇上御極之初
大學士餘姚呂本為記 明呂本祠記 覃恩萬寓首詔

錢塘縣志

卷之十三

祠下

三

內之風聲矣

忠烈祠

在棲霞嶺東祀明杭州前衛指揮陳善道入吳

王相姚岑呂鳳姜楫俞亨陳爵陳表張杲喬仲厚喬登皆以倭變陣亡于海寧衛赭山長沙灣等處嘉靖

三十二年巡按御史趙炳然請于朝建祠祀以春秋左布政陳仕賢為記

浙地當東南襟帶滄溟有卉服焉限隔山海倚島為國自秦始萌芽孽在漢為倭在唐為日本逮宋元遂為

邊患我太祖高皇帝惡其狡黠絕之不逼自是屢寇東踵賴大師劉江之力百有餘年海上晏然余初蒞

杭見杭俗奢靡無備缺如心竊憂之余既去不及兩紀而變作于是昭勇將軍陳善道死之將軍故余門

下士慷慨侗儻少有大志每誦岳武穆文官不愛錢武官不怕死之語則明目張膽言於其父父鳳奇之

長遊郡庠繼登武舉進士擢為衛使檄督漕艘俄而緣邊亡命挾島寇以滕鱣至人民驚貴武夫辟易無

革除被罪諸臣忠于所事甘蹈刑戮有死無二者有

司建祠致祭其墳墓苗裔厚加錄錫于是侍御蕭君

廩按浙檄所司覈實祠祀在寧海則有文學博士方

孝孺以不草詔磔于市親族悉坐死太常少卿盧原

質以召見不屈死在瑞安則有戶部侍郎卓敬以不

迎且不遜死在奉化則有左拾遺戴德彝以不屈死

在僊居則有戶部侍郎盧迥以不屈就縛長謳死蕭

縣知縣鄭恕守城死籍其家二女亦死在山陰則有

都御史陳性善以督陣朝服躍入河死在黃巖則有

翰林修撰王叔英募兵聞變自縊死妻獄死二女并

死在青田則有谷府長史劉璟抗言辯髮自經死在

桐鄉則有江西副使程本立聞難經死在義烏則有

都給事中龔泰被執已釋投城下死在臨安則有東

平州吏日鄭華守城不食死此十二人者俱明詔所

謂忠于所事有死無二者矣至如羽忠翌義則海寧

御史鄭公智僉事林嘉猷以方黨論死斯皆兩浙之

產正氣攸鍾者也若夫王叔英鄭恕兩公妻死其夫

子死其父一門全節世所尤難附祀祠中亦足樹閭

敢禦者將軍承督撫王公令奮力死戰斬獲甚多未幾流倭百餘犯我赭山赭實杭海關隘事出倉皇城不遠詰朝與賊遇將軍盛氣前射殺六人梟首一級賊大驚進迫烏合之衆一時瓦解將軍獨戰于滷中蹶仆負傷揮刃猶中賊額爲賊傷洞脇而絕壯士潘賓王貴感憤亦赴關死實癸丑四月八日也

褒忠祠

在棲霞嶺東改鳳林寺爲之祀明左擊將軍宗岳皆以倭變陣亡柘林三里橋等處嘉靖三十七年總督都御史胡宗憲請於朝建祠春秋致祭

陸宣公祠

在孤山之陽舊係洪中書澄別墅亭榭高敞陸宣公兩峯翠藹踈烟上萬木春深細雨中獻替

動關天下計經綸不愧大臣風孤山嶺畔恩綸閣髣髴遺徽

錢塘縣誌

卷之十三

祠下

三

相初孤嶼春風搖草木兩湖秋水拜樵

程光禋詩

辛苦當時一敬輿入朝從狩只封

朱文公祠

向在西湖錦塢山後移建孤山之陽祀宋朱文公熹昔公爲浙東提舉修舉荒政釐革病

民諸事又治台州置書院申教條立社倉寬逋負奏蠲丁絹輸築陡閘開濬河渠修治塘岸其有功于浙

最深孫鉉仕浙運管使因家焉宋末避兵海昌已復居武林明嘉靖四十四年杭郡學生楊洲等白于督

學秦梁謂朱子提舉浙東有遺澤子孫亦在茲土應得專祠奉祀遂建祠題額紫陽書院督學蘓濬喬因

辜先後錄裔以守春秋動支仁和縣學租入兩遣官致祭國朝順治丁酉公裔孫以錦塢山峻歲久傾

頽白于柅撫陳應泰巡按王國朝張子言祠碑銘元曦督學谷應泰後建今處孔了大宗在曲阜而別支在浙之衢爲南宗朱子長次二支在閩婺而季子裔在浙杭杭之有朱猶嚮之

有孔神明之後血食非一地異流而同源也銘曰弘
惟斯道如水發源百王千聖波泐濶翻宜尼既出羣
流歸海海則有航書則有解指示萬世闡揚六經誰
爲功首厥惟考亭惟杭有朱如衢有孔華胄分宗續
承一統始有錦塢遷于孤麓名山清流環拱在
日豐碑作頌樹兩楹間萬禩不替有如湖山

張宣公祠

在清波門外方家峪祀宋張宣公南軒

吳太

冲祠後記

張南軒先生杖在孝宗朝反復奏對孝宗
至動容竦聽有未聞之嘆而忠獻身任陝

蜀思陵言其忠誠孝宗受禪手詔入朝苻離之敗不
忍言罪復任都督忠獻父子見知于君也專且深矣
然蕪雲卿于忠獻有長於知君子短於知小人之辨
而陳同甫亮譏切道學以爲空談正心誠意視偏安
忍耻不深責二人之言皆深愛忠獻父子者也蓋嘗
論神宗前之君子能操化權而時命當其全神宗後
之君子坐屈于小人而名實復不相副宋之小人神
宗以前其爲黨也孤其爲惡也淺神宗以後盈朝宁

錢塘縣誌

卷之十三

祠下

三

皆黨也所張施皆惡也甚矣宋之君子前處其易而
後處其難也忠獻父子于君臣不可謂不遇矣孝宗
曰朕待魏公不爲浮議奪而請解督府不諭留南軒
先生在朝未幾歲而召對至六七何不使在禁闥而
僅除外職孝宗於忠獻實陽近而陰遠也嗟乎宋室
之不競也久矣忠獻之言曰今梓宮未返天下塗炭
願陛下揮涕斂髮以全天下之民南軒則曰必勝之
形當在早正素定之日不在兩陣決機之時是豈高
言性命者哉章惇蔡京殘善類斲元氣至高孝而小
人皆能奪人主之志氣而得其要領忠獻父子進退
取予皆小人也夫國家使小人得司其命以乾道淳
熙之朝不殊于建炎紹興之朝則哲宗徽宗之穢薰
染成之也先生祠向在尉里下崩里其移方家峪則
萬曆甲辰始也太冲婦翁天與先生實先生二十世
末孫其猶子沆惇又重新之而命予記之祠專祀南
軒而予先及魏公者魏公於張不祧也他日祀南軒
先列魏公則亦南軒之意而子孫所當講求者也恐
齋惕菴雖在諸生有大人長德之望使追祀魏公當

爲歌以侑之
崇禎丁丑撰

二程夫子祠

在吳山金剛嶺祀宋明道伊川兩先生相傳舊有祠在城西河下歲久荒圯 國朝

康熙十七年督學合肥程汝璞從其後裔劉世楷希畏等之請改築今處邑令梁允植申請照朱紫陽例歲支學租十兩供春秋祀事後因學租裁半其後裔復援錢武肅例請于仁邑大祭項下節省銀五兩得符原數以光俎豆杭守顧岱據邑令遲所申請轉詳布政巡撫永昭祀典

周元公祠

在清波門外錢家灣祀宋濂溪先生惇頤宋南變建久廢 國朝康熙四十一年後裔秉

榮懌仁等武功之仁衍應齋媚鉞僞呈請提督學政姜楠檄令重建歲以春秋致祭巡撫都御史張泰交翰林周起渭題額都轉運使粵西高熊徵有碑記

宗聖曾子祠

在通江橋河下祀先賢曾子原籍山東兗州嘉祥縣南武城其後裔曾開因宋南遷

錢塘縣志

卷之十三

祠下

三

巖巖至杭
遠立祠祀

柳洲二賢祠

在柳州亭左舊名子貢使越祠祀先賢端木子 國朝左布政張縉彥重建章士斐

有記康熙二十六年巡撫金鉉學院周清源從先賢仲子後裔之請舊祠在弼教坊者廢合祀先賢仲子于此故 章士斐祠記 子貢使越祠者介西湖之西不改今名 知始何時傾廢久矣布政使新

鄉張公更爲之徵記於余余曰子貢未嘗使越也蓋史記之言云雖越絕書及吳越春秋亦云夫夫子之意審在存魯則子貢奉夫子之教以存魯亦魯存焉爾之吳之越之晉何爲者耶故子貢無使越事也夫子曰夫其亂齊存魯吾之初願若強晉以傲吳使吳亡而越霸賜之說也美言傷信慎言哉其言則是然文非夫子言也越之圍吳在哀公十三年其滅吳在哀公二十二年哀公十六年夏四月書孔丘卒固不及見吳亡也考左氏子貢之辭于吳者四見辭于越者一見鄆之會辭免康子之召會伐齊也辭州仇拜

印之賜會彙阜也辭免尋盟會于鄆又賴其辭以全
衛侯此子貢能言之效然皆公與大夫命之又縮事
而已共一辭於越非辭於越也哀公二十七年越使
后庸來聘盟于平陽康子病之言及子貢曰若在此
吾不及此夫此不得子貢從越而思子貢當時之能
言必能免已於盟此子貢未嘗入越之明徵也吳越
春秋又言勾踐既誅文種求賢聖吾大子奉先王雅
琴禮樂往秦勾踐不得志而反越絕亦云不知勾踐
霸世誅文種距子卒又八年譌妄至此余又安知
後人不託子貢以為能言之藉耶越絕一書世名為
子貢作乃下及秦漢何也故知使越非實矣然會吳
伐齊實戰艾陵其於黃池之會差隔二年必史誤聯
為一事而又取說辭之蒙子貢者卒信為實若越絕
若吳越春秋家語又自相外襲而為之耳雖然當康
子越盟媿以不得子貢則如子貢誠使越越必藉手
以霸無疑况聖賢之道如日星豐其屋蔀其家迺弗
見之越人苟有知子貢之賢者儼恭祇肅以存
於形容雖子貢嘗使越可矣祠之其又可也

錢塘縣志

卷之十三

祠下

三

勲賢祠

舊名天真精舍在天龍寺之左祀明新建伯王守仁嘉靖九年門人薛侃錢德洪等建萬曆初

毀天下書院佃為民業十二年都御史蕭廩奏復之

賜額曰勲賢春秋致祭以徐愛冀元亨薛侃鄒守益

歐陽德王艮王臣劉魁錢德洪王畿蕭廩陳善十二

人配享祠前有宋籍田太極亭萬曆中知縣聶心湯

重建太極亭補刻陽明全書清理租稅歸縣祭祀之

羨以供諸生講學之費永為定規後久漸弛國朝

康熙間包括陶望齡祠記畧萬曆乙卯當事者不悅

等復為清理在毀中後六歲甲申詔還所在書院宜復者浙撫臣

萬安蕭公以天真請朝論避之更精舍曰祠賜以額

于是廢垣復堵撤材復棟原田復還俎豆如禮而先

生之道彌用光耀亡何墉瓦敗穿丹雘剝蝕侍御史

盱江尤公于先生在私淑之列丙午來視燧兩浙顧

瞻廟貌如病在躬會新塗聶君令錢塘亦夙聞微言

並肩廢緒同德協力相與謀飾新之于丁未三月鳩

匠事五月竣工漉漫陵夷成就完朗凡用贖院羨緩

多於此視事董成皆聶君之以精舍故貯先生集版
前八卦口之中有亭曰太極燬于火至是復建凡侍
御公經畫所未迨聶君咸用費力究成厥功以還舊
物蓋王薛歐鄒厥蹟始肇繼而興復聶新其人皆江
右產也先生功業教化於斯獨感抑何豫章之多君
子乎先生出百死創絕學而學者弗遵弗行俾師說
弗廢學舍足處田足贍而鼓篋之堂物為茂草田穀
克羨數歲所積足以飾椽棟除宮庭而置不問坐待
頽壞數者吾儕後來之耻也詩曰吁嗟乎不承權與
尙念權
真哉
王守仁西安道中寄門人詩
幾度西安道江
鷗鳥破踪跡水雲疑仗鉞非吾事傳經愧爾師天真
泉石秀新有鹿門期不踏天真路依稀二十年石
門深竹徑蒼峽瀉雲泉泮盤環晉海龜
疇見宋田文明原有象卜築豈無緣
錢德洪詩
五嶺路悠悠海上羅浮入夢愁山月淒涼歸窰夜霜
風颯瑟嗷猿秋百年著述圖書在千載經綸草跡留

錢塘縣誌

卷之十三

祠下

三

忍伐祠前蒼峽樹
春秋配食薦神羞
錢塘地位高且深如道不可量哲人久已逝山水空
遺光龜疇列方位顯設天文章平生未一試千載悵
相望我來生感慨久要不可
忘陳詞苦不足繼以奠心香

發祥祠

在南屏山西麓祀明昌化伯邵林以誕生孝惠
太后也先是林卒時權厝北山青芝塢嘉靖十
八年林孫錦衣衛指揮甫請于朝詔守臣擇今地遣
官營塋為之建祠墓下給公祀田八頃賜今祠額

報功祠

在忠慶巷內改百法寺廢址為之祀明總督尙
書胡宗憲初嘉靖間士民始建于吳山之巔隆
慶三年巡撫都御史谷中虛改建今處萬曆四年巡
撫都御史謝鵬舉徐枋先後增修歲春秋致祭鵬舉

為謝鵬舉祠記

頃嘉靖中劇寇徐海王直導島逆內
侵東南胥被患而浙為甚卒賴少保
書梅林胡公祇奉簡命決策蕩平維時浙上大失
市野氓庶相與協謀就吳山曠奧之壤建祠尸祝

之無何公中多口去鎮受抑以沒祠事亦中止隆慶
已巳中丞近滄谷公更採輿議改建于依山之周道
時梓事經理規度未稱迨萬曆亥子間始克拓而大
之首為門扁曰安攘門之外徒吳山綽楔以壯觀門
以內前後為兩堂各若干楹前奉御製碑文後貌公
像自餘垣廡庖湎之屬咸備罔缺浙人士旅進瞻謁
訢訢若重睹公云工竣僉以余夙荷公知請記之余
蓋因是而益徵勛德在人而不泯且重歎人臣身處
有功之難也夫公靖寇康民之績具在金石匪躬肩
事建樹卓卓而猶不免詆媒于人即身後俎豆之堂
亦廢舉相代乃久而論始定議始正今天子下詔復
公官賜祭堊廷議氓情若合契券是祠也其將巍然
與茲山並久乎余不
佞喜為浙人士頌之

崇報祠

在忠慶巷祀明巡撫劉畿隆慶間建公字朝宗
嘉靖庚戌進士任浙撫內陞少司馬總督浙直
江西後晉
大司寇

錢塘縣誌

卷之十三

祠下

三

嚴指揮祠

在寂樂坊祀明嚴德字君輔當塗采石人少
驍勇善騎射年二十為小校隨征平江浙有
功陞寧海衛指揮同知守禦杭州洪武元
年統軍取台州力戰死追贈天水郡公

謝三太傅祠

在薦橋東舊十方寺址祀晉太傅謝安宋
太傅謝深甫明太傅謝遷嘉靖間吏部侍
郎餘姚謝丕建祠址舊頗廣濶規模宏敞明末兵燹
後沒歸他姓裔孫州同謝秉公捐貲贖還雖不敵昔
時什一而榱桷聿新蒸嘗重舉時論稱之中有
百世流芳狀元宰相題額皆長洲文徵明書

龐公祠

舊名永賴祠在鳳林寺右祀明御史龐尙鵬萬
曆十二年建詳尙書張瀚祠記 國朝康熙年
間附祀浙閩總督張存仁仍歲以春秋致祭

張瀚祠記

浙以財賦名天下
歲所轉輸京國者

十居三焉故民賦繁往者徵發百出賓傳旁午吏不
得不厚責之民民役始重故事上官取諸縣與縣所
取給錢寸縷即十百莫敢不應謂之曰耳房役監
司大吏按部與四方人士乘傳至省所司為具供帳

口增歲置或橫被攫去不敢問謂之曰鋪陳役預備
存積諸倉歲久風雨浥爛鼠雀食耗虧損之數責令
守支諸役計額取盈往往坐以自盜謂之曰斗級
法既敝盜販公行嚴設邏卒增以捕獲月凡二比鞭
撻淋漓不如格者有罰謂之曰應捕茲數役者常以
百供一服穡之家偶罹斯役畜產立盡徃予見良農
勤苦食僅有田廬不一二年間蕩覆靡遺則以是役
故南海龐公才具英特幹局精敏繡斧所指墨吏望
風解綬豪強屏跡當按部時進三老具言困苦公檄
所屬與之圖議咸云耳房鋪陳可省其應捕斗級暨
諸力役歲費金錢若干當以籍籍之即於歲賦所徵
均歛於民在豪大家無得脫免而民不重困庶貴賤
同役號曰均平冊議定即日牒諸司施行仍疏於朝
請著為令報曰可乃立石遵守蓋公所建即宋人雇
役遺意而抑橫征寬民力其德于浙人甚鉅今去浙
三十餘年而歌思彌切專祀於西湖之陽昔吏浙得
祀者李鄴侯白文公蘓文忠三人而已鄴侯以井
白蘓以湖造福間左功德豈上謝三君子哉

錢塘縣誌

卷之十三

祠下

三

阮公祠

在武林門外祀明都御史阮鶚扁額忠定隆慶六年建李春坊記

甘公祠

在虎林書院之陽祀明浙江巡撫甘仕价號紫亭江西信豐人有惠政萬曆三十七年書祠祀

以郡紳
陳善配

姚公祠

舊名德馨祠在吳山城隍廟東祀郡守姚之蘭今在孤山

陳忠肅公祠

在葛嶺

邵弘毅先生祠

在玉泉山後徙靈鷲山祀明員外郎邵經邦萬曆初建國朝康熙辛酉五世

孫錫蔭更建祠于湖西之濱並有像龔鼎孳詩

勝國東南雋登臨憶邵公一封兼五諫九死矢

孤忠弓冶聞孫紹蒸嘗異地同當年誰補袞寧不愧高風

趙士麟詩自古推言者翻成言者名

先生今不朽名共聖湖成

李公祠

在錢塘門外響水開明崇禎十年建祀明北

令永豐有善政權北關清惠愛商不增稅而常課足

公餘輒屏驕從低徊兩峯六橋間及守括蒼罷採鑄

嚴保甲建麗譙興文學所創皆可不朽歿之日杭括

范公祠

在孤山卽四賢祠舊址祀 國朝兩浙巡撫謚

為浙江巡撫多惠政所在感德後晉福建總督死耿

逆之難浙人哀思祠祀名宦巡撫趙士麟允給錢塘

學租銀八兩歲以春秋有司致祭後公嗣 總督

閩浙重為修建而山麓別建亭奉公書勾留處 而額

錢塘縣誌

卷之十三

祠下

三

卽其故址構亭補梅聿復舊觀慕先賢之芳躅續久

廢之勝遊繼奉 簡命督師七閩乃值孽藩猖亂肆

虐忠貞浙人慕德興悲因立祠于放鶴亭側蓋亦羊

公之墮淚碑矣予過致弔哀感橫生因記之而系之

以包芝豫詩 我來憑弔思悠哉繁絃急管聲悲哀自

詩 古精忠貫白日如公有幾能追陪武穆

陳公祠

在孤山湖濱祀按察僉事謚忠毅陳丹赤公殉

夔官浙糧

儲特建 御翰名垂青史額公嗣一

王公祠

在藕花居卽湖山書院祀巡撫都御史王公國

安康侯奉天蓋州人康熙壬戌秋以學士特簡

浙撫甫下車整飭官方除暴安民善政種種
甲子春特陞浙督移駐三衢夏尋調閩督浙民懷德
額請建祠孤山照膽臺至丁亥

聖駕南巡公祠

時任船政同知因祠近

行宮詳請

後建今處并祀名宦春秋致祭士民追思復捐置地
蕩七畝有奇以弘祠宇公嗣又捐葺蓮宗庵命僧奉

禮以供 楊雍建祠記 兩浙開府重臣自 鼎興乙酉
而頌聲洋溢歌思弗置感深去後者則莫若盛京王

公云公諱國安號康侯洩浙不二載遷制府移鎮三
衢再移閩嶠萬姓皇皇如失父母自湖墅至江滸罷

市輟業叩諸臺使者與繕疏入告而公已單騎度嶺
矣因闢地於西湖山麓為祠畫公像以祀又書公政

績於碑以志不忘蓋兩浙省城都會禁旅駐防兵民
錯處集五方遊食之人因緣為奸重以胥役駟僧鯨

吞蠶食斯民靡有寧宇者垂四十年公甫下車察吏
寧民戢兵除盜一切無名之科派強暴之誅求令行

禁止屹如山岳今指計其實政言之自公洩浙以至

錢塘縣誌

卷之十三

祠下

完

去任一切僚屬餽遺悉皆拒絕供用澹薄無異寒士
見酬市價寧浮毋啻此海忠介之貞操也杭民多貸
管錢貧不能償公廉得其情坐會議堂與將軍悉心
調劑其不能予息者公稍稍出俸代之償焚其券浙
西漕糶往多愆誤公親臨庾次剔陋蘓民輓遲為速
松江鹽場額課舊時正課一兩有加派至二十餘者
公飭令所司親收松江民獲免重累此周文襄之幹濟
也紹屬之西江塘為蕭諸二邑蓄泄所注歲久傾圯
公親臨其地相度勢脈計日併工而竣事又三江一
閘山會蕭三邑賴以灌輸田畝歷今二百餘年隄費
旱溢無所恃公區畫指授捐俸庀工畚鍤甫施夜忽
潮水汎湧冲道成渠若有神助今四邑百萬頃悉為
膏壤民歌樂利此夏忠靖之神功也他如置設循環
簿牘而革行戶當官承值之苦歷弱權務關梁而懲
攔蠹需索之奸兵丁之強買有禁城圍之抽勒有禁
把頭之稔惡有禁米牙之科派有禁又公于山海形
勢瞭如指掌主開擴之議俾細民獲收漁利田畝幸
免包賠復首捐清俸庀建各處臺塞營房民無力役

兵免露處杭城駐防滿兵康熙二十二年僉都徐旭
齡條奏循照奉天京城之例責令滿兵巡拿逃盜等
事公首為倡禱力請准行民至今陰受其福有司或
寔折士公待工以禮必使勵學自愛增貢院試席磚
舍三千使臨期無取給筭輿之苦及制節移駐柯城
禾彌三月捐造差船以恤民役建造浮梁以濟民渡
禁愚氓之錮婢溺女者瘞齒骼之暴露郊原者凡此
皆彰彰在人耳目兩浙十一郡固皆沐公覆幬而首
被其澤者莫如省會由今以思王公之于我桑梓也
繁起死人而肉白骨也公晨坐堂皇戟門初啟諸司
官屬以次晉謁延見鄉三老問民疾苦甫闔扉人以
退食之暇判牘不遑而公乃微行遠郊近鄙有不逞
者須臾縛至幕府郭內外大驚以為神祠此深山窮
谷若有數什伯王公貫乎愚夫愚婦之心而戴乎愚
夫愚婦之首以故公登舟移鎮時民有泣下沾裳及
聞公去閩而焚香致祝願天以求者蓋不知凡幾爰
請之郡刺使馬公謀勒
諸石以永甘棠之愛焉

錢塘縣誌

卷之十三

祠下

三

敬一祠

在孤山四賢祠側祀巡撫都御史趙士麟號玉
峯雲南人進士康熙甲子來撫浙優禮儒生兵
民輯安開濬城河自江干至湖墅疏鑿皆通舟楫往
來便利民咸德之又捐俸修城講學湖濱及內擢遂
卽其地為祠後并祀巡撫都御史張泰交號洎谷山
西人進士居官廉正表肅群僚不為苛刻之行然亦
難少犯其顏色恤兵愛民尤雅重文士時轉運使高
熊徵開講院於紫陽別墅每文會必親詣督課後以
病疏辭不允遣官注問終卒于官士民
哀憫宮詹邵遠平特為肖像同奉于祠

馬公祠

在孤山麓祀中丞馬如龍號見五綬德人由孝
廉以部郎督杭北權尋出為杭郡守會己巳
聖駕南巡廉知若官有善政聲特超擢本省按察旋陞

吞金祠

在西湖葛嶺卽邑岸生吳錫妻戴烈婦墓所烈
婦年十七歸錫以讀書勞瘁嬰疾婦甫婚卽侍
湯藥歷三載會疾革誓請先死及屬纊遂號慟以首
觸柩血流被面家人驚救其母慰之婦曰女從嚴命

以身適人義惟從一不能兩全奈何身復沮之婦曰
翁有叔可奉事未亡人年少無所出分宜從天地下
况既以死許義難食言遂從容拜別真屬勺水不入
於口凡可求死者無不爲之以環伺不獲最後給小
婢眉金簪并壞玻璃器仰吞之膽損咽碧血數升死
里民紳士共上其事請旌表建坊復醮金建祠合葬
今處顏曰
吞金祠

督學太倉王公生祠

在跨虹橋卽西湖書院奉太倉王
公揆號顓庵庚戌進士以春坊提
督兩浙學政時初改提學爲學院公首膺是選至則
肅憲綱端士習正文體悉拔寒賤 國初以來學使
公明之首士林戴
公德遂建祠湖上
毛奇齡碑記 畧曰自昔無學使之
督學政分隸諸道而以兩京爲首善地特選御史有
聲者陞爲院使賜笏鼓開轅建齋設衛尉知雜視諸
三巡特未嘗舉詞臣而預其選也 清興專以直隸
用院使而盛京則京兆兼之乃勅詞臣自講讀以下

錢塘縣誌

卷之十三

祠下

編檢以上充直隸督學院官而盛京及他道使皆不
與焉歲乙丑念學使甚重非詞臣莫承而江南兩浙
人才蔚興宜破格陞道爲院于是以先生品譽高當
拔諸坊局越資俸使任兩浙凡一切幕府行僚與直
隸埒可謂重矣乃自乙丑至丁卯三年之間一歲一
科分八十郡縣文人學士甲乙而差次之無不頓觀
仰息謂稱量之精去取之公爲 國朝四十餘年所
未有嗟乎亦何道而至此嘗觀其兩試吾郡每一榜
出士人爭來觀輒羣相指曰某貧士某名士某遲暮
士始而驚繼而慶又繼而咨嗟感嘆且有至涕泣而
不止者余承乏史館都人士謀勒
石頌德因爲書所見而應之如此

督學彭公生祠

在錢塘門外片石居之左一名南陽書
院奉禮閣學彭公始博方川南陽人戊
辰進士康熙四十六年來督浙學所甄拔悉屬寒賤
湛深經史實學者廉聲上達 賜公明盡職扁額與
論翕然去之日羣矇金構
祠今處官詹邵遠平有記

紫陽祠

即紫陽別墅亦稱紫
轉運使高熊徵建以

書院在太...
朱紫陽夫子者

南廣西岑溪人由明經令井陘超擢泣浙恤商愛民
暇即優接生徒特建書院以為課士會文之所延師
給餼月必躬率校藝汲引造就成材者指不勝屈士
林戴德會以疾卒遂呈請奉公木主配享紫陽春秋

祭致

諾公祠

在鳳林寺左祀鎮浙將軍宗室諾
內有君子泉敦詩說禮堂

許汝霖記

家國

永清四海寰寓一統凡天下重地皆設滿洲兵以鎮
歷之自畿輔關內外秦楚揚越閩粵之區置將軍各
一人而浙江東臨大海右泊太湖控閩帶豫與江南
犬牙相錯自睦州以南岡巒叢薄憑江跨閩綿亘二
千里康熙四十二年車駕一再南巡幸浙江湖會
稽升高以望山川之險易人民之雜糅慨然念屏藩
柱石之寄良不易思得親賢以處其地遂以宗室
諾公當大將軍之任蓋自國朝定鼎以來洎斯任

錢塘縣誌

卷之十三

祠下

三

者十有一人至公而十二云初滿兵始至與漢人言
語不通兵民不相習文武大吏或不相協於是兵民
有紛擾之虞文武有彼此之見久之情漸熟則弊又
日生而患益滋其于古者兵衛民而民養兵之義罕
有知者公甫下車官吏軍士咸以公王室懿親又
郡王子素貴晨夕惴惴而公檢身無過恭謹畏慎開
布忱悃以諭吏民曰勿謂兵與民分吾第知恤兵愛
民而已乃日討軍實而訓之又日進兆姓而告之使
之民安堵而伍不譁其建官也必稽其積功與勞簡
質而仕重者勿以請謁行也其選甲也必擇其才與
器質直而行義者勿以喜怒易置也武備修法制定
賞罰信號令明犯吾禁者毋宥其尤不法者屏使遠
去軍之月糧或有紅朽砂粒者公先期必驗勿以給
也馬之芻茭部議將覈減公以為減則馬食不足移
巡撫為上請得仍舊額郵兵之貧為定其嫁娶之禮
閱卒之亡其娶婦攜骨歸者親酌酒以奠之由是軍
士人人感泣頌公德矣杭郡恒不戒於火公聞火即
率健卒往救指授方畧或親引手助火火輒反風滅

而杭俗天旱請於有司迎觀音大士於天竺以
月餘不雨道路民咸言待吾將軍至當雨時公以
蹕入京翌日適至則齋沐祈大士前是日果雨詰
朝又雨而鄉民持香踵轅謝者日數千人公辭讓勿
受其明年淫雨勿止三郡大水有司皆虔禱不應公
且日至午而霽督撫大臣以故益重公巡撫黃公嘗
詢公曰吾聞出微行遇童叟嬰婦皆識將軍名且願
公永鎮此土不審公果何以得此公曰吾忝在宗親
祖若父皆王爵而吾寄重任於此苟不職卽上負
朝廷下慙吾祖父矣蓋公開誠示公不市名不飾偽表裏
初終若一者殆十有一年巡撫之更而去者已五人
與公交始而疑繼而信後皆歡然相得

天子聞而嘉之曰吾宗室中有此人東南可無慮矣及
駕復南巡慰勞者再御書天潢維翰四字以賜公又賜
聯云家庭元愷先承寵同姓公卿合效忠大哉王言
非宗子維城公侯腹心之義乎又云慧劍無纖鞅水
壺徹底清一哉王心非爲上爲德爲下爲民之旨乎
又二年歲大稔嘉湖民流入郡城者滿路公謂僚佐

錢塘縣誌

卷之十三

祠下

三

曰吾輩食有餘祿忍見赤子流離載道乎曷各出米
石許給軍士人各二升計十二旗得二百餘石爲粥
以食路之餓者旣而慮曰米少恐不能繼卽移容撫
軍兩閱月所全活者萬餘人大嵐山賊事覺愚民之
無知者株連日衆有詔公與督撫內大臣會訊公
察其枉者立釋之月餘公憂思勞瘁每夕廢食而嘆
家人問之公曰此死獄也無法可生之耳道路聞公
言多太息泣下云其他如學官有牧馬之禁城守有
需索之禁冬蒐有私販之禁凡所以病民者慮無不
去蓋公不學而暗合於古未更而懸辨其事矢之以
誠而守之以一民有陳牒者悉教之如子弟軍士之
博奕好飲者必痛懲之而復告教之故德之入人也
深而名之所被也遠一年與人誦之又一年遠人復
誦之公壽製萬民衣以獻至是又請建祠于西湖之
北設公生位以長祝公而書公德政于碑以文屬余
會公來朝京師陛見之日天顏有喜願謂侍臣
曰此有名將軍也賞賚有加其歸出內廐良馬以賜
余旣識公於都門及予告歸里又親沐公化其可

以不文辭公諱諸羅布於
皇上為從子夫僕大臣述美效以彰
聖天子知人善任之德錄其鉅勿書
其細禮也爰拜手而為之記

郭公祠 在湖口一橋祀總督浙閩刑部尚書郭世隆時
歲可增課萬計貧民驚皇罷市公下車即奏仍其舊
合省獲安又前撫鼓鑄錢奉行非法民多怨之公不
俟既奏即日封爐發帑收錢眾始帖然
尋移節兩廣遂相率攀轅建祠以祀

汪公祠 在西湖孤山祀提督學政侍讀學士汪公康熙
五十六年杭郡紳士公建有公祠第一歌其詞
日兩浙學憲推公明前顏後彭開其英冰壺心映袖
清風卓哉汪公大集成下車正值甲午歲實與多士
思雲程公來悉拔寒峻子哀然舉首胥吹笙歡歌四
起達畿輔儼如笑已親主衡帝曰良哉克敷化展期
三載重攀迎明堂已斷登大木幽谷又聽遷新鶯嘉
禾纔沐時雨潤武林更快薰風生仁錢文童一招覆

錢塘縣誌

卷之十三

祠下

三

喧呼感泣如雷轟不練不競布優政雍容力挽銀河
清猶歎猶有足多者肅肅鬼豎亦干城自來省會難
厭望辭彼春林羣向梁公惟一塵涅不染遂令泚莠
咸菁菁以此再造浙東西文治會見光貞珉我今作
歌歌公明用倡
十郡應同聲

褒忠祠 在瑪瑙寺左康熙五十六年建祀明監察御史
夏誠隨駕北狩殉土木之難於書有像附揚清
祠有司以揚清非公安神之所裔孫夏時登新建移
像專祠春秋崇祀如故事呈縣申府轉詳學使者翰
林注批行錢塘縣知縣魏顏其額曰
褒忠吏部左侍郎湯右曾為之記

論曰余讀陳敬亭杭府舊志其載在閭冊者若社稷
山川之神皆國之典祀所以奠宗社而福民人易世
之所不遷者也其他祠廟自先聖而下為名宦為鄉

賢又有專祠且有一人而建數祠者計四十有八以前令聶志考之才四十有三豈陳志所書通仁邑詳之而吾錢邑相爲錯壤無間彼此歟然陳志錄名宦自漢迄明凡六十有九人其錄鄉賢亦自漢迄明凡七十有三人何其少也而鄉賢外復有先賢祠曰旌德觀者更起唐虞許由而下暨明凡四十八人成化中又增鄉賢所祀二十三人而罷其舊祠所不當者五人又何靳也敬亭又言宋南蹕時所建者悉記載之其中瀆者不啻十二今不敢仍襲故牘又何嚴也

錢塘縣誌

卷之十三

祠下

三

夫法施於民則祀之以死勤事則祀之以勞定國則祀之能禦大災扞大患則祀之非是族也不在祀典誠重之也今所在多淫祀祠宇稍徧湖山矣而鄉賢旌德兩祠較之史冊頗多濫入者余蒞任未久未暇博咨而詳察之雖仁孝所至志在表彰然苟不符國典而叨陪俎豆神而有知前哲令德之人不其吐之乎邦之縉紳士大夫尙襄余不逮毋貽譏後賢則幸甚矣